

光緒扶溝縣志卷之十二

知縣熊 燦纂修

人物志

鄉賢

忠節

孝友

義行

文苑

宦蹟

仙釋

僑寓

材不固方士貴自立扶雖蕞爾代產英賢彙著於篇用昭鄉望後來之秀可以興矣志人物

鄉賢

漢

袁良字卿陳國扶樂人也祖經父山前漢關內侯王莽時絕封
良舉孝廉歷官郎中謁者將作大匠廣陵太守討江賊張路

等威震徐方謝病歸永建中卒

袁滂字公熙陳國扶樂人官至司徒純素寡欲不言人短當權

寵之盛或以同異致禍滂獨中立故愛憎不及焉

漢紀

舊志人物首列郭鎮郭滂郭賀按後漢書郭躬傳附載鎮等傳云躬字仲孫潁川陽翟人也陽翟今禹州與扶無涉躬爲陽翟人鎮等未云遷居於扶則仍爲陽翟人矣舊志據章懷太子注以郭鎮爲扶溝人然章懷實無此注不知何據云然且棄躬祖孫父子不載而獨取鎮等尤爲非是今刪去鎮等取袁良及袁滂父子著於篇良滂皆扶樂人扶樂於漢爲扶溝分地今袁良墓碑及諸袁墓皆在扶境固確屬扶人無疑惟古省扶樂入陽夏滂之曾元以下俱爲陽夏人今陽夏屬太原則皆略而不載以示區別鄉賢祠尚有郭鎮祠位相沿已久姑仍之

袁漢字瞻陳郡扶樂人也父滂爲漢司徒當時諸公子多越

法度而渙清靜舉動必以禮郡命爲功曹郡中好吏皆自引去後辟公府舉高第遷侍御史除譙令不就劉備之爲豫州舉渙茂才後避地江淮間爲袁術所命術每有所咨訪渙常正議術不能抗頃之呂布擊術於阜陵渙往從之遂復爲布所拘留布初與劉備和親後離隙布欲使渙作書詈辱備渙不可再三疆之不許布大怒以兵脅渙曰爲之則生不爲則死渙顏色不變笑而應之曰渙聞唯德可以辱人不聞以罵使彼固君子邪且不恥將軍之言彼誠小人邪將復將軍之意則辱在此不在於彼且渙他日之事劉將軍猶今日之事

將軍也如一旦去此復罵將軍可乎布乃止布破渙得歸太
祖渙言曰夫兵者凶器也不得已而用之鼓之以道德征之
以仁義兼撫其民而除其害夫然固可與之死而可與之生
自大亂以來十數年矣民之欲安甚於倒懸然而暴亂未息
者何也意者政失其道歟渙聞明君善於救世故世亂則齊
之以義時僞則鎮之以樸世異事變治國不同不可不察也
夫制度損益此古今之不必同者也若夫兼愛天下而反之
於正雖以武平亂而濟之以德誠百王不易之道也公明哲
超世古之所以得其民者公旣勤之矣今之所以失其民者

公既戒之矣海內賴公得免於危亡之禍然而民未知義其
惟公所以訓之則天下幸甚太祖深納焉拜爲沛南部都尉
是時新募民開屯田民不樂多逃亡渙白太祖曰夫民安土
重遷不可卒變易以順行難以逆動宜順其意樂之者乃取
不欲者勿疆太祖從之百姓大悅遷爲梁相渙每勅諸縣務
存鰥寡高年表異孝子貞婦常談曰世治則禮詳世亂則禮
簡全在斟酌之間耳方今雖擾攘難以禮化然在吾所以爲
之爲政崇教訓恕思而後行外溫柔而內能斷以病去官百
姓思之後徵爲諫議大夫丞相軍祭酒前後得賜甚多皆散

盡之家無所儲終不問產業乏則取之於人不爲瞰察之行
然時人服其清魏國初建爲郎中令行御史大夫事渙言於
太祖曰今天下大難已除文武並用長久之道也以爲可大
收篇籍明先聖之教以易民視聽使海內斐然向風則遠人
不服可以文德來之太祖善其言時有傳劉備死者羣臣皆
賀渙以嘗爲備舉吏獨不賀居官數年卒太祖爲之流涕賜
穀二千斛一教以太倉穀千斛賜郎中令之家一教以垣下
穀千斛與驛卿家外不解其意教曰以太倉穀者官法也以
垣下穀者親舊也又帝聞渙昔拒呂布之事問渙從弟敏渙

勇怯何如敏對曰渙貌似和柔然其臨大節處危難雖賁育
不過也渙子侃亦精粹閑素有父風歷位郡守尚書初渙從
弟霸公恪有功幹魏初爲大司農及同郡何夔並知名於時
而霸子亮夔子曾與侃復齊聲友善亮貞固有學行疾何晏
鄧颺等著論以譏切之位至河南尹尚書

袁氏世紀曰渙有四子侃寓奧準侃字公然論議清當柔而
不犯善與人交在廢興之間人之所趨務者常謙退不爲也
時人以是稱之歷位黃門選部郎號爲清平稍遷至尚書早
卒寓字宜厚精辯有機理好道家之言少被病未官而卒奧
字公榮行足以厲俗言約而理當終於光祿勳準字孝尼忠
信公正不恥下問唯恐人之不勝已以世事多險故常恬退
而不敢求進著書十餘萬言論治世之務爲易周官詩傳及
論五經滯義聖人之微言以傳於世此準之自序也荀綽九

州記稱準有儒才泰始中爲給事
中袁氏子孫世有名位貴達至今

袁徽渙從弟以儒素稱遭天下亂避難交州司徒辟不至徽弟
敏有武藝而好水功官至河堤謁者初天下將亂渙慨然曰
漢室陵遲亂無日矣苟天下擾攘迷將安之若天未喪道民
以義存唯疆而有禮可以庇身乎徽曰古人有言知幾其神
乎見幾而作君子所以元吉也天理盛衰漢其亡矣夫有大
功必有大事此又君子之所深識退藏於密者也且兵革旣
興外患必衆徽將遠迹山海以求免身及亂作各行其志

志及漢紀

魏

渙孫環曾孫喬等俱見晉書列傳皆爲陽夏人其時扶樂省併今志所載斷自渙兄弟止

元

馮夢弼字士啟元初爲雲南宣尉司令史夜行遇妖其大如屋下馬視曰某扶溝人竊祿於此命合休爾其啖之不則容我行已而妖轉入溪中腥風逼人公得免仕至工部尙書其事多佚

馮夢周字士可仕元爲新昌知州居家嘗築樓藏書千餘卷以資里人之乏書者爲之約曰假書者籍其姓名書目讀竟歸原書而銷其籍損者不責償不歸者置不問缺逸者補緝以

侯著積善篇列戒十四皆儆世要語

明

焦永固洪武癸酉舉人授工部員外郎督大工稱旨改山西道
監察御史數直諫彈劾不避權貴以疾致仕子璟宣德己酉
舉人環縣知縣

楊鼎字廷器永樂辛丑進士授翰林院庶吉士改兵科給事中
擢都給事中數賜清讌多所建白百僚憚之轉山西布政使
參政時值旱荒鼎疏請買粟十萬以備賑民賴以活朔雲邊
儲告匱奏移平陽粟十萬餘往濟之璽書慰勞有幹辦公勤

識達緩急之憂遷左布政致仕

高鵬字南遠以才授蘇州府推官決獄明允知府倚重之使督兩江稅課復稱最後朝廷命大僚傅某督江南漕運鵬爲佐輸租獨倍他日後堅乞骸骨歸

羅贊字世卿成化壬辰進士父俊永樂庚子舉人授大同府通判優卹軍政鎮臣賴之英宗復辟錄前護駕功擢漢中府知府檄到以疾卒贊初授江西新昌知縣清廉慈惠積誠感神遇水旱禱輒應邑中有好雨如膏何處至賢侯心上起雲堆之頌巡按沃某舉守令第一擢山西道監察御史奉命按陝

西賊吏多解綬去疏中興八事悉見嘉納再按山東益厲風采時有覆舟之獄數年不決贊至一旦遣之民不告冤至有肖象以祀之者性剛毅爲權貴所嫉左遷向武州判遂移疾

歸宏治初詔卹被謫諸臣得復官命下而贊已前卒子玳珪

玳字孟玉宏治己未進士授山東兗州府推官會大饑盜起郡

獄幾滿玳多所平反全活無算勸貸粟日得食者可萬人巡

按御史上其狀於朝擢監察御史玳旣登言路以鯁直見憚

出知鳳陽府知府時護陵內監爲璫之有力者自監司而下

皆以屬禮見玳竟不往璫銜之調守嘉興再調延安鎮羌撫

濬著有令聞擢固原兵備副使劾元戎貪黷抵於法尋移病歸弟珩正德癸酉舉人有至行曾孫芝徵順治戊子舉人陝西雒川知縣

張凱景泰庚午舉人嘗捐資倡修學宮人多義之授曲沃令擢南康府通判尋遷延安同知所至有政聲撫按交章薦會以病致仕歸兄審宣德乙卯亞魁官曲沃教諭弟愨天順己卯舉人官漳縣知縣時有同胞三鳳之目

杜紹字述之祖清歲貢生山西大同府經歷清勤自勵知府郝淵之語人曰察案得杜君吾無難於郡者威寧伯爲西總鎮

使主銀億庫督陽和軍儲軍民兩德之課最賜璽書褒美擢
本府通判致仕父瘖工於詩尤精晉人書法以紹貴贈戶部
主事紹爲諸生時以孝友聞正德辛巳進士授戶部陝西司
主事奉勅督運犒金再監臨清商稅繼散官軍折色三爲部
使咸有聲稱退處林下惟吟咏是好風度高雅宛然唐音惜
散佚多不傳子孟乾歲貢生江南廬州府經歷調陝西鞏昌
會長孫化中登進士遂告歸紹弟綏歲貢生山西浮山學訓
導綏子孟卓太醫院吏目孟卓子裨

津字異菴萬厯癸酉舉人授北直懷柔知縣歲饑詳請賑濟勸

貸兼以工代賑民乃獲生懷柔密邇京師皇親中貴多直產業百姓素爲莊頭所魚肉前令率懼禍莫敢問津至裁之以禮有不率者卽寘之於法由是羣惡懾伏而民得安枕天啟朝魏忠賢擅權所在建生祠津嚴行禁止忠賢知而銜之無何議開採稅額驟增津又力爭乃左遷考城教諭移病歸莊烈帝卽位忠賢誅得復職崇祀鄉賢子化兩庠生闖賊之亂僞檄至義不受遂舉族北遷事平乃歸里孫之昂之叢自有傳

化中字民孚嘉靖乙丑進士授直隸順德府推官讞決稱平撫

按交薦穆宗將不次擢用會吏部尚書某奪其缺以與私人
事遂寢尋遷工部主事監督大內諸役節省不下數十萬金
廷論咸以爲能轉廣東道監察御史巡按福建時閩帥朱珪
等有罪繫獄以賄首輔張居正得免化中廉得其狀列疏上
聞其畧謂宋臣岳飛之論太平也有曰文官不要錢武官不
愛死今珪等爲要錢乎不要錢乎愛死乎不愛死乎臣恐將
相如是太平未可歲月冀也疏入居正怒左遷絳州通判再
貶榆次令後調知汶上稍遷東平知州會神宗卽位居正且
親幸用事矯詔逐高拱盡斥兩河紳士化中尤其所忌者遂

落職居正敗在廷咸薦竟不起卒於家

嚴憲字廷章父恭浙江富陽知縣約已愛民著有令聞憲登景泰辛未進士由戶部主事歷官陝西按察司副使剛直峻厲人罔干以私成化四年逆酋滿俊叛據石城都御史項忠督兵討之憲以固原兵備從征戮力爲多事平獲金幣之獎然憲雅不欲久在宦途遂致仕歸結耆英八老社優游三十餘年乃卒年八十四子蘭字時馨成化癸卯舉人授兩淮鹽運司運判以勤敏聞陞隰州知州

劉自強字體乾遠祖原弼事具忠義傳祖瑞常山縣丞力却饒

金擢興濟知縣忤建昌歸子東東初遊太學侗儻有大節
從父瑞宦遊會建昌構怨挺身與辨得直後贈戶部侍郎卽
自強父也自強嘉靖甲辰進士授廣平府推官讞賊稱平擢
吏部考功司主事陞文選郎中時大學士嚴嵩執進退權時
有所干輒據法峻却之嵩雖銜之弗能中也遷太僕寺少卿
出爲山西布政司參議甫莅任悍卒王慶率衆夜叛城中大
駭自強知慶有嬖妾選勇士伏舍旁詰旦慶來攜孥輒斬以
徇餘黨无解遷陝西參政歷湖廣左右布政威名益著尋升
應天監甲子鄉試毅然以得人爲己任謝絕請托尙書某以

刺干揮其役弗去蹙之至折齒都人爲之頌曰尙書賊與臺
僵矯矯劉公洵自強其樊絕風清類如此是歲拜副都御史
巡撫四川時支羅寇黃中奪龍潭安撫司印據險以叛垂二
十年蜀吏皆坐視莫敢擊自強至蜀卽提兵討之甫至巴郡
妖賊張寅餘黨蔡伯貫攻陷合州大定銅梁諸邑謀襲重慶
運兵支羅取漢綿以薄成都勢張甚自強曰黃中穴鼠耳伯
貫出柙虎也可急擊移師攻之一鼓殲焉回兵向中中所據
牛欄坪者極斗絕夜則當道垂索屬鈴百餘勒卒更番守之
鈴索動則矢石齊下自強斬木爲雲梯攻之察山旁有罅徑

督士夜突上鉦鼓并作聲震巖谷賊黨驚怖不戰而潰捷聞
帝大悅勞以金綺羊酒旋拜戶部右侍郎總督倉場隆慶中
帝欲以帑金易珠力陳不可帝許之轉南京都察院右都御
史拜南京兵部尚書改南京戶部尚書參贊機務帝倚用日
深遂詔入爲刑部尚書乃銳意平刑罰尚寬仁以佐新政時
有巨宦在嘉靖時尅減香料已沒其家二子猶繫獄竟疏原
其罪神宗立請老歸田十年卒年七十有五賜祭葬晉階資
政大夫加宮保兄自修吳橋知縣陞真定府通判轉靜寧知
州再遷祁州屢著異績子懋武從弟自存

懋武字如川由恩廕初授前軍都督府都事再轉經府皆著殊績出守武定激江屢平巨寇羌人畏威士庶戴德一時誦若韓范焉特擢福建運使致仕居鄉猶敦古誼閭里至今口碑之

自存字體心東子也東嘉靖戊子舉人授湖廣棗陽知縣豪貴佔民田卽令還之優調岳陽檄查邊儲革諸弊陞昌平知州再補開州遷南康府同知皆有循聲移病歸自存嘉靖乙丑進士授行人冊封安南不辱命上嘉之陞兵部職方司主事轉刑部郎中皆秉公執法吏弊肅清遷湖廣按察司僉事致

仕歸事親以孝聞弟自養嘉靖壬子舉人

李夢陽字獻吉

桑調元空同年
譜注初字天賜

其先扶溝大岡人

國子監題名
碑夢陽慶陽

籍扶溝人

明初有李恩者贅於王聚因冒其姓從軍慶陽永樂中

恩戰白溝死恩生忠忠生正始復姓李氏授阜平訓導遷封

邱王教授遂家於大梁妻高氏夢日墮懷中寤而生夢陽年

十八舉鄉試第一宏治癸丑進士觀政通政司丁內艱服闋

授戶部主事與信陽何景明姑蘇徐禎卿矯末俗之弊倡爲

古文詞斷自秦漢而止六代以下弗論也乙丑進員外郎時

外戚壽甯侯張延齡怙寵橫甚人莫敢問夢陽應詔陳二病

三審六漸語詆壽寧稍侵中宮后母金夫人泣懇帝帝不得
已下錦衣獄諸貴戚爭欲殺之獄具帝不許詔還職武宗立
進郎中會逆閹劉瑾日導上狗馬聲伎之戲漸廢萬幾臺省
交章奏不報戶部尙書韓文每退朝輒搥擊泣下夢陽進曰
公爲國大臣義同休戚自當殊死諫比聞諫臣諸疏方下閣
議能率大臣叩闕力爭事或有濟徒泣何爲文乃命具疏草
疏入帝遣司禮監詣闕議者三卒以持議不決僨事明年丁
卯諸大臣多罷免瑾知韓疏夢陽草也矯詔謫山西布政司
經歷勒致仕已而瑾復摭他事下之獄將殺賴修撰康海力

救得免劉瑾誅起江西按察司提學副使振興古學力變
習復時有建白或病其侵官會巡按江萬實不諳憲度夢
疏其罪江亦奏訐帝遣大理卿燕忠往勘前忌者併力排擠
禍且叵測何景明上書元宰力爲救解乃以閑住去其後屢

薦不起嘉靖己丑就醫京口還大梁病卒天啟朝謚景文

見桑

調元空
同年譜

兄子木正德丙子科舉人子枝字伯材見文苑傳

曹嘉字仲禮副使李夢陽姊子也正德丁丑進士選庶吉士己
卯春帝自加太師勅諭南巡嘉與修撰舒芬上疏諫帝怒予
杖嘉靖元年擢浙江道監察御史具疏劾坐院鄱御史都御

史不知也問曰所劾者誰耶嘉挺身曰老先生由是直聲震

天下

此段出詞林人物考前後俱本明史

會史道劾大學士楊廷和逢帝怒下

詔獄嘉上言新政之初不宜箝天下之口弗聽嘉乃列朝臣

五十餘人爲四等各有品目上之爲給事中安盤毛玉所劾

謫昌邑知縣未幾又爲御史向信所劾再謫茂州判官

舊志謂因

議禮遭廷杖謫歷城令再貶茂州判官按廷杖係嘉靖三年事嘉於元年已被貶矣舊事誤

後帝深疾廷

和凡忤廷和謫者俱召用嘉始得復官出爲鳳陽知府陞山

西提學副使歷參政按察使轉江西右布政使所至以精悍

稱多表豎弟子賜爵例貢生性警敏善屬文尤精鍾王書法

嘗從嘉都門卒業北雍六館士得其片紙輒珍玩之嘉愛之
嘗語人曰他日亢吾宗者必此兒也嘉靖壬申授湖廣鍾祥
簿爲中丞王某所器重事有疑貳輒以投簿民亦憚簿論其
令奏績獲上考遷山西武鄉縣丞致仕歸

何岩字邦鎮正德丁丑進士授戶部浙江司主事監臨清商稅
課最獲金幣之獎晉秩員外郎世宗立欲追隆所生岩抗疏
諫帝怒廷杖之出爲瑞州府知府先是華林盜起民物殘耗
岩至用重典以威強暴拊創痍以布和惠百姓安之尋補南
雄府罷陵江梅陵商稅先是屠牛者日輸官一金以弛禁岩

太息曰宋仁宗寧忍一夕之饑不以口腹啟無窮之殺官何
利于金而忍此耶遂嚴禁之丁內艱岩再入覲過家適值父
母之喪人謂其孝感云再補南康府教民濬陂灌溉畫十世
之利增置白鹿洞諸生館穀訓迪之時西陲多事選廉幹實
邊復遷慶陽府至則倣韓魏公義勇之制行耿壽昌常平法
以此兵強食足境內晏然尋移病歸從弟岑

岑字具瞻嘉靖庚子舉人癸丑八月柘寇師尙詔反岑度其必
來爲令畫策請預爲之備不聽未幾賊果至令登城色變欲
亡去岑曰亡將安之乃掖之守令亦傾心任之賊攻圍一月

夜岑悉力捍禦斃其魑賊二人乃遁去授廣宗令時畿內大
祲廣宗地瘠較他邑爲甚岑括廩粟得四千餘石復勸貸富
室益之幾至萬石乃曰官費而民不獲寔濟者稽延故也於
是計口尅日率僚屬分授之由冬及春凡四賑民無菜色廣
宗故多佳梨取供上官歲以爲例其費浮於正供岑請罷之
供梨之額遂止撫按以邢臺附郡戶口逃亡十不存一交章
薦其賢調往治之甫履境念邢臺賦逋地荒復業爲難詳議
蠲貸兼施得請乃按籍給以牛種約三年後收其租是時詔
恤刑獄秋官某稔知岑乃以諸郡縣囚付之先鞠岑矢心公

懇多所平反得釋者三十餘人明年滿考撫按疏其績上之
會邊警告急饋餉不前世宗軫念要害思得振刷之才以起
頽敝吏部乃薦堪任者八人岑與馬遂陞河澗府通判管宣
府西路糧餉署在宣府之北八十里當敵衝聞警卽至城中
不設備但私爲和約納粟幣岑聞之恚曰是尙可守何至損
國威耶於是葺城塹足糧餉簡兵械躬自循陴期在死守武
弁皆股栗聽命而敵薄城下者亦齧指駭曰大那顏厲害若
茲尋遊去岑因條上安邊十策曰歸併屯保曰據守要害曰
防虞屬夷曰勘處屯糧曰開中鹽法曰簡練將領曰汰去冗

食日護緩邊民曰嚴明探哨日出兵劫剽皆酌議鑿鑿撫
俱疏奏行之未幾兵出斬獲數千級振旅而還岑方以運籌
轉餉常受上賞適真定巡撫李遷以邢臺庫藏不明疏劾之
遽落職子出國出光

出圖字啟文萬曆丙戌進士授山西長子知縣值大饑詳請賑
濟全活甚多革里書行條鞭法糧差輸派不致偏累三載考
滿以治行擢兵部職方司主事時東南用兵羽檄紛至尙書
石星任以棉幄由是朝鮮兵禍得以興聞乙未春倭酋平秀
吉遣使來請封星館之城外命出圖爲判使且議厚待出圖

進曰惡草具進所以威遠人也星以意見不合恐僨事遽以
方應選代之且納沈惟敬之說謂一封即可罷兵出圖力言
其不可不聽未幾封事壞而星竟獲罪內申遷員外郎會封
使李宗城橐冊而逃上欲遣科臣往使廷議持不可帝已允
奏越三日忽下旨以遲推科臣切責該司官星具疏論救帝
益怒通謫出圖爲保安典史後推南京戶部主事再推兵部
武選司主事命未下卒年七十八子稽武萬曆丙午舉人曾
孫功亮康熙甲午舉人

出光字兆文萬曆癸未進士授曲沃知縣值大祲歲舉荒政爲

三晉最戊子徵拜監察御史巡視西城時儲議未定貴戚鄭成憲陰蓄異謀巨璫張鯨方得寵內連貴戚外結金吾劉守有與邢尙智爲腹心憂在國本出光乃抗疏劾以八死罪辭旨切露疏上席藁待罪自分必死已而得旨褫劉守有職邢尙智等付法司置重典未幾張鯨閑住而鄭成憲以恚死潞王就國議者慮闕宦驛騷擇御史有風力者彈壓之於是有巡按畿南之命張鯨復進用出圖再疏劾之移按山東當辛卯秋試禮卿爲其鄉人預洩典試者職名出光抗疏發其奸而爲禮卿報寃者遂奪其柄出守太原再貶完縣令卒於官

曾孫際美康熙甲辰進士福建德化知縣子坊駿康熙丙子舉人

郝維喬字子遷隆慶戊辰進士授真定知縣以循良第一擢吏科給事中考察居上等遷戶刑兩科都給事中奏議數千言皆蒙嘉納彈劾不避權貴出爲江西參政道再調山東參政轉山西按察使晉陝西右布政俱有政績民多立廟尸祝年未及艾致政歸杜門著書引掖後學嘗主講大梁中州奉爲典型每於座右書隨處體認天理六字以自警

張憲字文度嘉靖乙酉授直隸永甯知縣永甯逼近宣大用武

之地山崎民貧號稱難治憲素剛正每處驕宦豪帥不吐不茹事有不合輒仗大義折之巡撫劉源清聞其賢委以運糧一十萬石迅輓不悞時宦官王隆恃勢裁減軍餉憲摘其奸遂削秩權闕由是斂跡三年績上將有不次之擢遠引疾歸越二年卒孫同升字伯僕幼鞠于繼母有伯竒之遇同升善事之轉以孝聞授鄧州訓導嘗以教家十戒教多士

盧傳元字貞復萬厯丙戌進士授山西榆次知縣歲饑加意拊循民賴以濟壬辰以天下清官第一擢禮科給事中時河南大饑民起爲盜廷議剿撫兼施傳元抗言干戈一動所傷必

多不如撫上躋之尋轉刑科再轉工科疏請勤政慎德六事
言皆切直皇太子出閣講學內勅取賄綠寶石璣珀龍涎戶
部將移文廣東采買傳元疏諫并劾戶部江南山陝比歲荒
歉中旨下工部造絨緞袍服數萬疋傳元力持不可請收回
成命上怒奪俸久之遷山東布政司右參議備兵臨清時倭
警震鄰傳元募兵修城爲先事之防戊戌轉陝西按察副使
莊浪兵備道莊浪古允吾地大小松山適當其中隆萬間款
市起久爲賓青著宰諸酋所盤踞姑就近築邊盡棄故屯墩
臺莊浪遂成一線咽喉而蘭靖涼泗無時不受兵傳元當掃

盪之始殫思相度上十二策請復舊邊以固疆圉報可甫興
板築虜遽來爭傳元馘其哨騎繼出偏師斬首數百級敵膽
落而遁新邊告成城堡團莊烽臺敵樓以及公署營房無一
不備墾田數萬畝開渠以資灌溉降敖巴思我科等二千五
百餘人斷蒙古之右臂結松山之大局皆二年中茹草卧沙
之所致也事聞賜金幣丙午入賀萬壽時秦稅闖梁永贓私
累累反以殺人劫貢誣滿朝薦命下逮朝薦人心怕懼傳元
在道訟其事朝薦得釋置永於法由是聲震中外尋以邊才
調洮岷道晉秩按察使會冢宰某有私憾嗾御史以他事誣

之遂落職天啟改元上疏自理得復職致仕兄傳姓傳論傳
姓任天長訓導歲饑捐俸賑粥人感德之傳論子榮春宦蹟
有傳

王真卿字心鉉天啟辛酉舉人時客魏專擅真卿以親老不仕
崇禎壬午服闋闖寇猖獗中原鼎沸乃慨然有當世之志以
大司馬馮元勳薦召對陳安輯中原四事一日安土著凡視
有居家良民復其役蠲其稅使人人感天恩之高厚一日招
流亡發賑濟貸牛種使已逃者有樂歸之誠一日孤寇勢凡
舍舊歸化者悉待以異等使從賊者有潛離之志一日借寇

力凡土寇渠魁悉與以爵弁鼓其勇氣使與闖寇相向則闖寇可不戰而自屈矣疏上上異之授以兵部職方清吏司主事賜勅印詣河南便宜行事且諭先救大梁拜命卽行未至境大梁已陷撫按藩臬悉屯河北迎謂曰河南大勢不可爲矣勿輕險以取殃真卿曰此身已許朝廷受命之日卽盡命之日也卽艱險其何辭卽日渡河河上多流寇遺粟悉發之以賑貧民且具舟楫令其北渡已而移節登封凡所爲安土著招流亡孤寇勢者無不次第行之又以李祭遇爲羣寇渠魁招之不至遂詣其寨諭以朝廷恩德君臣大義以及時勢

諸利弊閱三晝夜精神益倍語若洪鐘賊衆感泣曰此公之
忠真可貫日不謂今日猶有此人相與羅拜受招安揚河平
頭塚諸巨寇相繼降者五十餘寨僅三閱月而河南之土寇
盡爲朝廷之武弁馳疏上聞帝大悅遣使獎以金帛且勅靡
下文武將吏各加一級王真卿另有大賞真卿益感泣寇期
會操俄傳北京失守莊烈帝殉社稷真卿慟絕復蘇乃撫膺
流涕曰我所恃以聯絡土寇者先帝恩威耳今已至此羣賊
誰復用命乎已聞福王擁立遂諭各寨嚴守以待及抵南京
見長江諸戍盡撤政府日與左良玉爲難真卿上疏曰長江

之險天之所以限南北也今悉江南之眾嚴兵固守別遣良將由山東北上臣率河南歸附之眾爲之前驅則疆土之喪亡可復先帝之讐恥可雪卽云國家新造當養晦以待時而沿江多設重鎮猶不失晉宋偏安遺局今棄不守萬一闖寇長驅披鞭竟渡噬臍曷及至左良玉跋扈之罪誠云通天但度今日時勢彼肯俛首受戮乎萬一激變是一闖未滅又生一闖也何如降詔使之戮力北征以贖前愆則彼前有所冀後有所懼或効死破敵未可知也卽不肯盡力而我兵北指使之作一疑兵以惑敵不猶愈於義旗電激而彼先張僞幟

以撓我乎疏上爲馬士英所扼不行真卿不得已至揚州與
閣部史可法合可法迎謂曰吾開府於此本期經畧中原恢
復燕雲不意權臣悍將事事爲難今日之事惟有一死上報
朝廷耳因相對泣真卿出而歎曰時事不可爲矣遂北望再
拜涕洟交橫七日不食而死蓋年五十九云

國朝

杜俊彥字士美廣西賀縣知縣賀邑分十八里在城與江東二
里每藉口元明舊例納租不當役俊彥獨令均之未幾王師
剿富川叛猺輓運甚繁賀以均役故得不病信都鄉有僞鎮

羅四者投誠已數年督府疑其詐移兵剿之賀民大恐俊彥力陳其不可乃止廣東饑民爭奔賀俊彥設法賑濟卒於官子之昂字叔抑順治丁酉舉人初授山西平順知縣平順有二嶺依山傍谷路僅尺許之昂鑿石開道至丈餘臨崖樹牆行人便馬呼爲杜公嶺歲大祲詳請出借倉穀不許竟按戶散給時有豹入城爲民害齋浴禱山祠越三日豹死歷任九年擢山西道監察御史遷巡視東城河南道之昂旣居言路慨然以天下爲己任會征噶爾且需用駝橐挽運派及濟民之昂抗言曰軍需緊急若各省有司指公濫派騷動百姓所

闕非細大學士張玉書顧兵部尙書杜臻曰百姓不可騷動
御史之言是也事乃寢山西巡撫溫保縱屬員科派激變太
平等十三州縣民保陞去之昂劾之保與知州謝廷機等二
十餘人悉得罪翰林陳悅且贈言曰昔除山中豹今爲殿上
虎蓋紀實也扶溝正項之外舊有私派三分百姓苦之昂
上書政府永爲裁革在臺中八年多所建白而爲宋儒邵雍
暨五經博士尤有功先賢尋以疾卒奉 旨馳驛歸葬子宗
慶廩生任孟津教諭

杜之叢字去病之昂從弟父俊章明天啟辛酉舉人順治壬辰

授陝西扶風知縣招徠流移平反刑獄其績甚多丁外艱歸里居十六年卒之叢康熙乙卯舉人授武陟教諭擢直隸寶坻知縣歲饑詳請賑濟寶坻逼近京師舊有按地百畝養撥船一隻以防運河淤淺久經豁免有請以出船民田改作馬厰者戶部侍郎行縣查丈民情惶懼之叢抗言地係民田且零星非一處作馬厰非宜至以去就爭之乃止邑多王莊莊頭有訟動以千金行賄之叢一切謝絕惟持公科斷訟乃漸息莅任之明年飛蝗遍野之叢設法撲滅始不爲害然竟以此罷職歸子宗顯雍正乙卯副榜曾孫桂嶺宦蹟有傳

張桐叟字滄洲歲貢生父聯璧順治甲午舉人桐叟慷慨好義
有古人風歲大饑族人賴以舉火者數十家授偃師教諭偃
師介鞏洛之間故宋仕宦提調處也邑人士每盛會輒唱南
曲爲笑樂桐叟至教以飲酒賦詩如蘭亭故事不數年舊風
一變尤嗜理學日取朱子全書先儒語錄與諸生講論在任
六載以老歸素精醫術活人甚多鄉里德之後崇祀鄉賢子
惺字心齋雍正癸卯拔貢

以上皆崇祀鄉賢祠其未經崇祀者散入忠節孝友諸傳

忠節

元

潘炎字光大出進士任黃州錄事轉襄城尹汝潁兵亂退居於家賊陷扶溝聞炎名使人說之啖以僞學士炎罵曰我名進士豈從賊耶自吟云人有百端能害已地無一竅可容身觸柱而死

明

劉原弼字穎村洪武十七年貢士任刑部主事公廉自持濟以仁恕尙書楊某甚器重之擬薦大用未幾成祖入金陵原

率家人賈勇巷戰力竭而歿家人刻木肖形葬之邑城南
齋孫瑞等貴盛事具鄉賢傳

汪浴冕字耀陽邑廩生質厚寡言崇禎十三年春三月流賊掠
江村等鄉浴冕夫婦被執賊索金銀將熾炭爲炮烙刑浴冕
夫婦俱大罵遂同遇害

劉恩澤字斗一崇禎庚午舉人素負氣節流寇起建築守城知
縣蘇顯祐特倚重焉崇禎辛巳冬十月二十一日夜賊劉植
子襲破扶城恩澤墜樓罵賊死所著三友草輓先代殉難諸
君子有國土一身輕豫讓睢陽千古重張巡之句以自況至

是卒踐其言

盧同春字太和性警敏下筆千言立就以副貢爲鞏縣訓導縣城卑薄令委以希鍾城增丈餘鞏人德之尋轉舞陽教諭時闖寇猖甚同春與令分汛防守無何寇至劣生邢某恃財武斷屢爲同春所挫乃叩賊壘曰舞陽敢抗者盧教官也遂導之入城破同春被執不屈死

張篤恭廵按承差也雄武有膽畧劉槌子破邑城篤恭率眾驅賊城得復崇禎壬午爲寇所擄抗節不從死之

高廷凱邑庠生崇禎十五年寇變告警廷凱奮志請纓隨廵撫

討永城叛將劉超歿於陣

王國寧初名班素以豪俠聞明末寇起將倚爲羽翼國寧慨然曰生而爲賊不如死而全義乃置毒飯中妻子死遂食其餘復舉火自焚

何際龍邑諸生聞賊李自成入扶溝驅衆毀城際龍義不往投城濠死

國朝

馬萬選本城守步兵咸豐三年隨征陣沒蒙撫憲題奏准入陳州府昭忠祠

陳光泰同治初皖匪突至光泰入若不見其父與兄姪出迎之其父方抱木主前來賊追甚急光泰令兄等翼父急走自操刀斷後殺傷數賊賊怒合圍死之

生嚴文田

生董煜

千總楊天爵

從九邢朝選

生員楊淑玉

生員邢國治

縣丞楊天貴

監生何明遠

監生袁敬業

何之元

金二拴

何惠遠

金法有

何中

何傳

何德遠

李萬年

袁天良

周路

何鳳山

何定遠

周馬柱

柳郡

王金榜

何之鼎

李發財

董尙中

劉完

常振榮

李鳳鳴

袁天順

袁天理

李同榮

金拴柱

劉惠臨

袁天德

朱文志

李大倫

萬滿

李獅

何玉帶

何崧山

劉海潮

袁馬

袁騾

吳丙戌

周望

武石礫

董尙樸

董永吉

董進堂

業夕嵐

段漢文

監生董文鐸

嚴祿

武生王海臣

王金章

嚴武德

嚴福臨

嚴庸貴

嚴崧山

嚴戌

嚴文俊

王鳳德

嚴金山

嚴銀山

胡守業

董尙信

監生嚴世泰

董九

董進三

董大林

監生嚴齡

董建業

蒲寶

蒲玉金

蒲臨魁

桑敬修

嚴玉金

陳宏林

桑東峯

嚴文章

桑廷玉

桑金帶

嚴崇禮

桑初

李致君

蒲絮

王荆玉

陳玉乾

蒲水

桑星臺

陳鳳

蒲玉浦

蒲樂

陳宏豹

桑義

張波

李德

桑鐵錘

陳秀林

陳應祥

桑璞玉

陳玉寨

陳廷舉

蒲臨海

桑宏興

侯臭

蒲明山

桑海

劉俊

蒲春光

桑法

魏田

蒲臨鏡

桑檄

魏七

蒲臨成

桑雪峯

劉喜柱

張光輝

杜鏹寨

劉稱先

侯漢臨

呂法喜

係山西人

侯心

陳長興

呂鳳飛

係山西人

陳武申

李喜

金雁慶

項驢

丁耀庚

張鳳

楊恒祥

陳萬林

侯迷瞪

張萬里

劉福

陳保山

耆民朱效益

丁鳳翼

李敬業

劉頤

朱定邦

朱魁元

朱魁名

祝縟

李丕林

李毛

劉寶林

童生楊天祿

楊和玉

寇月

李福魁

王福林

李近朱

劉好

金照

金豹

金牛

金盈文

金聚興

金雙

蒲潮

金應文

李三旺

楊逢辰

何秀年

李昭

張鐵梁

李純明

陳寅

陳遂生

陳虎

陳月

陳黑太

海甄

王秀生

陳牛

李狼頭

朱二台

監生周交顯

李雨

劉武

劉朝

王大喜

孫金貴

楊燦

楊國玉

常萬春

張立魁

楊永義

劉材

常楨

趙大鰲

楊魁

楊天舉

李文科

侯冬至

劉命

馬方泰

胡漢

劉麒麟

李模糊

胡老虎

溫長清

郭福興

王道融

劉金聘

楊永清

郭長興

劉萬俊

康天章

劉山焦

郭宣

楊傑

萬國友

劉相

李喜來

李磨

楊永秋

賈信成

陳臨祥

王興義

劉修

曹六

金如

劉廠

劉筆

吳器

陳尙禮

萬伯亮

韓多

金保義

楊天滋

張保林

金興義

金鎮

以上係報明忠節局共核入六十一名核入姓名卷未詳

任金聲

陳律

樊廷修

家人七口

任宗舉

李明德

張恆基

家人十一口

凌武城

趙玉清

任應瑞

程盡忠

侯濯瀛

任清杰

溫成

陳運泰

任朝棟

何雲章

盧方學

家人三口

任明玉

武
董 陳天剛

張廣山

廩生 王敬所

李廣義

桑敬忠

黃玉霄

季西嶺

孝友

明

李藻天順間人少習舉子業志趣不苟事親孝家貧供滫瀡不遺餘力晚歲邑長嘉其高節舉孝弟力田予冠帶壽八十而終

王格字表民少孤事嫡母喬氏生母陳氏並以孝聞嫡母病篤籲天祈代母果獲愈及歿哀毀骨立三嫡兄每加欺凌益恭敬不怠授清豐縣丞巨室某有被盜者賊由其僕攝縣阿巨室指拷訊無辜致誣服格爭之不得攝縣去竟得直遷同州

同知委監潼關權稅毫無染指遂條上稅務六議轉邵陽知
縣斷獄如神請老歸產僅踰中人嫡兄家多貧悉周恤之女
弟早孀分田一區以贍其養卒祀忠義祠弟模自有傳子如
盤兵馬司副指揮

李如松字河山萬厯丙子舉人祖玩南樂訓導誘誨有方士風
大振父時芳祁縣教諭工詩詞與杜孟乾王格齊名著述甚
多如松事親純孝終身不少懈比歿廬墓三年

李慥字責修邑增生每以孝義語人不欺暗室事繼母葛氏以
孝聞異母弟早亡撫其遺孤如己子從弟悃亦早亡遺妻劉

氏守貞四十年賴慥保護年逾七十卒

劉億昆諸生家貧勤苦養親親卒哀毀骨立廬墓三年建祠繪容朝夕哭奠以終其身

張鵬一歲喪父每詢父容於母必涕淚交頤母卒哀毀搆疾服闋不忍釋

劉清母病篤額天請代母尋愈及遭喪結廬墓側以疾卒子政慟父廬墓不終葬父於大母墓側代之廬滿又三年始歸楊能幼失父事祖母以孝聞比沒負土成墳留三年不返盜過廬歎曰此楊孝子也戒勿近

李光裕光啟邑諸生光華府學生兄弟相友愛事父母以孝聞
父某素性剛方晚年喪明光裕兄弟必親扶掖無少懈時論
具延親知善言笑者娛其意費之有無不計也母歿哀毀盡
禮父歿光華體故豐竟至滅性云

王化翔邑增生事父母先意承歡母歿父意欲不娶化翔力勸
之事繼母如親母家人悉能謹事庭無間言子克明文明兩
諸生年將十歲時無知其爲繼祖母者家貧舌耕每歸食必
慰問母前母偶在人家間坐側見日影稍移輒引童孫歸曰
化翔將歸他不見我必不赴學也族黨有不孝於其親者人

皆舉化翔以爲規焉

國朝

杜賁字文白孝友成性長兄以交遊致累誤陷於辟賁力救得釋三弟夫婦早亡爲之擇嗣每財產分斷莫不推厚就薄舉康熙壬子科亞魁閉戶著書授息縣教諭修學宮補祭器訓士有方二載卒於官

樂餘雍字益恭性至孝執親之喪泣血如禮尤樂誘進後學邑中從遊者數百人晚年授澠池訓導以老歸子芝字章民歲貢生

義行

明

劉伯亮洪武初自洪洞遷扶在城外治畦見井邊有囊金乃密掘井甃瘞之越三年有過而泣者詢之云前曾奉命解金依井樹稍憇行而遺囊於此已賣兩女償之矣伯亮慨然與之生子原弼後爲邑望族

周齊成化間歲饑輸粟一千石璽書褒獎予冠帶復其家

秦奇字文任嘉靖中人家舊洧濱因號一川居士事親以禮聞好讀書尤善孫吳兵法值寇變選壯士衛鄉閭衆號曰秦城

晚益樂善不倦壽近期頤繪四代行樂圖鄆邑大司寇春圃
劉公海內名流也親灑文翰爲之壽

桑廷恩萬厯初輸賑粟三百斛又施地百畝爲學田奉恩例爵
藩府典寶

齊圭萬厯間邑荒旱輸粟一千石饑民賴以存活勅建坊復其
家予冠帶

郝維康官太醫院吏目萬厯間蝗蝻爲災維康輸粟一千石助
賑勅建高義匡時坊以旌之

國朝

何應元充醫學訓科家本不豐而善居積因致小康性好施值縣令勸捐義學命子士明首先捐錢三百千後又捐地房計其捐之數幾及其產之半慷慨施濟於末俗爲不多覩云道光十二年水災又捐賑錢一百五十千

張紹唐庫吏也其孫逢辰初入塾紹唐戒以敬惜字紙逢辰偶於門首檢拾字紙一團以呈紹唐視之鈔也錢百餘千乃逢人言之卽有某賈尋至錢數悉符取而還之堅不受謝

高穎布衣輕財好義捐客舍助修明倫堂邑令周士皇獎以扁額

杜寶琳字瑞生府知事銜公正自持勇於爲善年六十餘猶篤學不倦知縣江心筠贈聯云見義必爲當世共推君子非公不至神交無愧古人其行誼可知矣

吉云嘉字冠英恩賜舉人品端學粹年五十無子友某買妾贈之云嘉不受曰楊稊之占吾所不取且子之有無命也倘有妾而仍無子奈何衆強之乃留爲義女嫁之妻李氏故不育年五十餘生一子弱冠游泮咸以爲善良之報云

何琬字輝山邑諸生值皖匪擾亂衆推爲團練長從容籌畫邑賴以安尤勇於爲善修文廟保節義辦賑卹一切善舉邑侯

悉委任之至今稱爲長者

張元家貧性狷介日在保生堂廟內挑菜於土內得白金七十餘兩卽白於附近紳耆全行獻出衆以此金修廟煥然一新元安貧如故有憐而食之者擯弗受

文苑

明

李詵善楷書迺勁有法一時碑額多出其手其文古健雄渾有秦漢遺風

杜孟典字默菴祖璿別有傳孟典邑諸生工詩賦爲李唐人語能脫烟火之習

杜璿天性孝友博極羣書日課詩鼓琴爲樂家貧處之泰然精晉人書法得其片楮遺墨爭珍玩之著雪厓吟藁杜氏通譜及見聞錄壽八十八終以子貴贈戶部主事其後科第代顯

李枝字伯材

國子監題名碑枝扶溝人

夢湯子性警敏爲文不構思援筆立

就嘉靖癸未進士授南京工部主事緣事謫海州州判而罷

詞林人物考爲戶部郎謫外府同知今從舊志

性好飲酒少檢束日與羣婢縱舟蓮

塘不復關心世事久之卒所著零落不傳從兄木正德丙子

舉人子四維隆慶丁卯舉人任綿州知州孫冕萬曆甲午舉

人官確山教諭

國朝

路以旃字燕山熟史漢學邑中著作多出其手年八十有八猶

鬻詩文以自給

桑在鳳字五文博學不趨勢利面折公卿警校六書題咏甚高
其自署有云陸羽編經專淪茗王維開坐但焚香亦足想其
風概矣

薄玫字紹素乾隆丙子舉人爲文不趨時俗常以古人自期許
九修縣志考據明確體例精嚴悉出玫一人之手嘗見其刪
改塗抹底稿知其無愧史才矣

郝廷松邑舉人曾與薄玫同修邑志工書法道逸絕倫秦晉人
尤珍之每獲遺墨輒比之陳遵尺牘云

盧莖邑舉人家貧力學博通經史尤工制舉文沈鷲透快得桐

城真傳授考城教諭以憂歸因絕意進取講學家塾成就無算

宦蹟

明

盧榮春字素卿萬曆癸卯舉人授山西孝義知縣調繁介休縣俗素健訟榮春廉其大猾數人寘之法刁風頓息張蘭鎮有左道黃都等煽惑愚民類山東蓮妖榮春出不意突入其家獲之黨用撲滅乙丑報政署上考尋丁外艱服闋赴部上大開言路榮春以世道之壞由奇才限於資格民膏竭於賄賂官方倒於舉劾疏三款上陳忠憤所激語多切直納言咽之遂補北直灤縣灤人所避也警報時聞榮春日縣不自爲備

而專倚調援賊來兵去兵來賊去久之有兵則無民矣若不
做古寓兵於農之意而設法訓練之何以救焉因條上十二
便撓之者謂此之榜議奈何使吾輩奉行事遂寢上欲大挑
運河榮春條上三議大約謂河名流沙難施人力故水中扒
沙沙隨水走數掀無一掀之功來沙又填去沙之坎卽令隄
沙爲岸岸仍是沙秋水一至前功盡棄耳不若就各縣分隸
之淺阻責成印官船有通塞舉劾隨之則原從淺夫自可督
辦何必費朝廷有限金錢博將來難逃之重譴哉河臣採之
入告事乃報罷鄗奸民劉枝因均差役糾民田十七頃投獻

朝貴榮春爲申三院朝貴屬津要致款榮春日吾爲朝廷留
戶口不爲權門作鷹犬也卒戍劉而朝貴怨入骨蜚計傾之
巡按某具劾潮人士數千詣闕訟之銀臺拒弗納待理垂二
年士民復環泣訴寃事乃得白潮人哭送數十里抵家值流
寇披猖修寨周塢之東嶺可容萬人辛巳春土寇掠人而食
他寨卑薄無噍類獨此全活甚多歲薦饑待榮春舉火者數
百戶卒於家子世楊進士仕國朝至徽寧兵備道弟同春
見忠節傳

張篤敬字參衡萬厯辛丑進士授中書舍人已酉分校燕闈得

士爲盛辛亥擢南京戶科給事中孤忠慤直有漢汲黯唐陽
城之風爲當路所忌竟致左遷後兩推郎署因璫燄正熾辭
不就璫敗廷臣交章薦復堅卧不起家居斗室卽邑宰亦罕
見其面臨池染翰鐵畫銀鈎題咏數卷而外蕭然惟茶鐺藥
臼也

王模字師範能探程朱宗旨萬曆中授高州訓導陞曲沃教諭
設教科條一取蘇湖之舊卒之日幾無以爲歛曲沃士泣送
執紼者被郊野

劉澤深字涵之萬曆辛丑進士初令密雲尋改元氏以高等擢

刑部主事卹刑江南多所平反旋守北平有白蓮教王森者
嘯聚清涼山設計擒之羣醜立消未幾遷湖廣參議道閩寇
作亂撫按交章請益軍澤深馳至巴東條上十四議仍發兵
援重慶楚蜀爲之屹然寇平敘賚有加丁外艱服闋遷陝西
按察使晉右布政使任滿轉山西左布政使與建祠媚璫者
忤借題糾之澤深抗疏自白未幾闖黨李應江有查盤之役
橫索羨餘堅不肯與會朝命至百官迎拜應江僭越比藩王
澤深正色叱之時京兆尹餽吏部以爲非澤深不可及受事
爲畿民請命有免賞軍銀兩僉報商役兩疏會峒寇弄兵盤

據九連山前撫借撫羈縻久無成效上以澤深有戡亂才俾
代其任至則深入密箐之間一歲屢三捷後以嶺海炎蒸抱
病歸丁丑起爲兵部侍郎首陳平寇一疏有六玩三難之弊
反六玩破三難流寇可平中外咸稱確論尋拜刑部尙書翰
林黃道周以建言獲罪擬瘴戍再奏不允澤深抗疏救之其
畧曰道周之罪前兩疏已嚴矣至此惟有論死死生之際臣
不敢不愼也自來論死諸臣非封疆則貪酷未有以建言誅
者今以此加道周道周無封疆貪酷之失而有建言蒙戮之
名於道周則得矣非我皇上覆載之量也仍以原擬上上允

之道周獲免時莊烈帝嚴厲司官震悚積案千餘不敢一結
澤深任事日讞大獄數十判牘至夜分乃止積勞成疾累疏
乞休未允強起視事痰湧而卒時猶執筆在手也訃聞上痛
悼輟朝贈太子太保予祭葬廕一子入監讀書弟澤匯自有
傳

國朝

劉澤匯字苜石明拔貢生順治二年委署西華縣巨寇金高雄
據縣城肆殺無忌澤匯任事三日卽請總兵孔希貴率兵剿
剪五月二十八日金賊授首澤匯乃安撫餘孽改兵爲農招

還流移數百家墾地千餘頃積穀一百四十石以備賑濟設學田五百畝以贍貧生一載代歸遂絕意仕進

萬九思字睿子康熙甲子舉人授內鄉教諭毅然以胡安定爲法重修學宮建魁星樓皆首捐清俸爲諸生倡在任十六年致仕歸臨行諸生泣送爲立碑於明倫堂匾其額曰鵝湖遺範年八十八卒於家孫方極字汝錫雍正癸丑進士授江蘇青浦知縣青浦民俗刁詐號稱難治有朱家角者邑巨鎮也奸民倡亂聚眾數百人阻截商舟武弁往禁之幾危眾手方極聞變赴鎮諭以禮法眾始散去旣而督撫有請剿之議方

極抗言宜捕其首者餘悉寬免全活者數十百人

陳大任字萃農康熙癸巳進士授汝寧府教授訓士勤而有方
居數載門人登賢書提南宮者不下十餘人弟大賢康熙庚
子舉人任開封府杞縣教諭致仕歸

盧愈奇字滋太高祖同安其忠義傳愈奇康熙戊戌進士雍
正甲辰以知州銜借補陝西平涼通判整飭鹽政夙弊一清
補涇州知州涇居甘肅東界俗以抗糧爲能事愈奇設法勸
諭不事敲撲民爭輸納又建義學延師教之時西陲用兵軍
需迭興愈奇辦運三年旣不悞公又不擾民治行推秦第一

張環字聯慶廣東南雄府經歷歲饑督撫檄環赴楚告糴飛輓接濟累署保昌遂溪東安平遠諸縣擬擢樂昌知縣疏未上而卒貧無以歛巡道潘思渠贖其喪始得輿歸

杜桂陵字月峯嘉慶辛酉舉人任四川南部知縣歷署永寧敘永劍州等處所至平徭清獄尤樂培文教在南部設立鄉學二十一處永寧俗養婢女利其操作往往至三四十歲不嫁

桂陵飭鄉保造婢女年歲清冊約以二十五歲不嫁者以不應律治其罪不三月邑無怨女劍州煤價倍他邑以其地有大石嵌者兩山對峙巨石塞焉販者迂路數十里始達於市

故價特昂桂陵相其勢可開鑿因捐廉爲倡路竟得通良莠
便之謠曰杜公路不百步利萬家濟萬戶

高甲三原名甲寅號霽堂嘉慶庚申 恩科舉人性剛直高自

期諒不輕謁官府邑侯重之爲創立義塾使主講焉尤嗜搜
羅文獻手訂扶詩鈔存數卷刊行平煙水詩一卷建李空同
故里碑屢躋春闈以截取例授湖北枝江知縣年已七十餘
矣枝江瘠苦特甚因振刷精神勵求吏治有豪猾某積爲民
害役不能捕親率丁壯擣其穴擒之邑瀕大江水暴漲勢莫
能禦乃齋沐爲文拜禱引罪自責水驟退枝民感之立生祠

於隄上祠甫成而病卒枝人助鈔歸櫬著有霽春軒詩草文集

馬步瀛字寄州大挑知縣署江蘇桃源睢寧邳州等處時皖賊煽亂軍書旁午督師忠親王僧格林沁愛其才使隨營綏眾所至靖謐加運同銜補碭山知縣碭民强悍喜鬪不事生業乃教以開墾種桑法親歷鄉村見務農桑者褒獎之見佩刀劍及惰游者重懲之民風翕然婦女不習紡織乃設紡織局使其妻陳淑人爲師氏躬自教導婦女始知有棉考績上等未幾以疾告歸卒於家著有自省齋錄

武勲

明

柴虎少有大志膂力絕人貌魁梧精騎射弱冠從明太祖起義隨徐達出征戰鄱陽克姑蘇南擒陳友定西逐王保保屢立

奇功

詳載皇明通紀

由行伍歷官陝西臨洮衛都指揮子孫世襲

國朝

李築高字維嶽少通韜略康熙戊子舉於鄉授江西永新千總裁革船丁幫銀四千兩運兵感恩爲建生祠運米赴通州凡六次加都司銜乾隆丙辰陞廣東四會營遊擊管都司事四

會地處邊疆城守最重築高勤加操練壁壘聿新公務之暇
被服儒素有雅歌投壺輕裘緩帶之度性愛儒生多所成就
江右臺梁旭等策名天府尤其特著云丁卯轉浙江衢州參
將汎接閩海整飭營伍晝夜勞瘁以疾卒撫鎮合疏請卹蒙
恩賜銀扶襯歸

何之璞字萬鑑倜儻不修小節而性最豪直每論古忠臣義士
輒感慨激昂中乾隆己亥武舉甲辰成進士由侍衛任貴州
永安營都司永安地近苗人不嗜學之璞捐建書院延師訓
課不三年入庠者五人登賢書者一人文風丕振永安人稱

爲何夫子嗣因征苗功奉 旨賞戴花翎陞上江遊擊旋陞雲南撫標參將末之任嘉慶三年奉調赴川勦教匪歷數十戰攻寨解圍皆迅速奏功擒首逆石柳鄧王抱羊計得功劄十一張 欽賜一品頂戴四年正月初一日陣亡於開縣朝陽觀之璞在軍中向無退敗之戰經畧深相倚重稱爲無敵時所領皆新降卒不用命故及於難奉 旨賜葬祭銀子國寶襲雲騎尉襲次完時給與恩騎尉世襲罔替

隱逸

元

施汝霖窮經樂道長於文詞貧賈終身不逐勢利時人重其高舉

明

杜孟省字可山神情朗徹不甘仕進能詩工草書以琴棋擅名
丰姿灑落冷然僊致譚譔頓傾四座晚歲有司或以德壽予
爵雅非所好壽七十卒

李佶少落魄學業不竟性嗜古二十學詩輒有警句時謝山人

我秦以詩名恬遊其門得聆弇州諸君子緒論更加解脫放
浪豪逸蓋中權中清者流詩載皇明詩統

平志奇字士常世居陸橋崇禎時諸生喜爲詩古文詞邑宰有
青目者未嘗造謁因亂避地潁上母終教授以養父兵火倥
惚未嘗去書順治丁亥歸里父卒遂一意詩文性好遊秦楚
齊魯燕趙吳越足跡幾遍所至名山大川多所憑弔尤酷嗜
校讎經史不避寒暑卽從人借讀必爲補治自號烟水漁人
隨園迂叟有烟水詩鈔行世

杜汝楫字曉初號柳湖漁者晚年號柳湖老漁年十三卽能書
經尺大字觀者欽異善琴能詩工畫著有咀華齋詩鈔柳湖
詩集所畫山水梅花得之者咸以爲珍童二樹謂是胸中自
有邱壑者觀其清淺橫斜不啻置身空山明月間也不甘位
進遨遊于公卿大夫之間詩酒譚諠絕不預公事口不言貧
其品格人比之平煙水云

耆壽

雍正七年

恩賜建坊老民杜之珺百有二歲

乾隆二年

恩賜八品頂戴生員盧允登生員盧寬里民羅復旦

恩賜米絹生員杜如莊

乾隆十六年

恩賜米絹生員杜宗祁生員盧宸監生盧克恪

乾隆四十五年

恩賜建坊老民黃時中百有一歲

嘉慶元年老民樂宗仁預千叟宴蒙

恩賞

御製詩一首銀牌一面壽杖一根香珠一掛荷包一對貢緞貢
紗貢綉各一疋

又

恩賞八品頂戴之老民李潤賈守仁九品頂戴何功暉何庠何
自福李煥萬鑑賈如臣賈如倫賈自申何崙源桑松友許良
斌聶廷棟楊珠李大士李大有李大山李良圖高珣劉世鑑

劉紹泗何浹唐貴宗崑齊聚馬式端宋志湯

道光元年

恩賞八品頂戴之老民賈如蟾張廣劉廷桂
頂戴賈景孟何茂林龐明辰郭俊高昇顏懋明朱在南劉尙

福

欽賜八品頂戴樊子和年近期頤善諱子孫至六世同堂

王耆英字耀齋同治癸酉科

恩賜舉人甲戌會試

恩賜翰林院檢討

欽賜貢緞一疋建坊銀十兩壽百有五歲

劉九成壽百有二歲

秦方泰壽百有一歲

秦萬山壽百歲

陳岱山壽九十九歲

皇恩五次溫三思壽百有一歲

李錦林年九十八歲

佳年九十九歲

九十八歲

楊大孝年九十七歲

趙廣先壽九十七歲

楊素標年九十七歲

牛體榮年九十七歲

曹景山壽九十八歲

王景章年九十六歲

秦金泰壽九十六歲

胡三保壽九十五歲

牛泰爽壽九十五歲

王時潤壽九十五歲

賈永成年九十五歲

李萬占年九十四歲

李書文年九十四歲

趙丙文年九十四歲

張金峯年九十一歲

王英臣年九十三歲

何士俊武生壽九十三歲蒙

恩賜七品壽官子五人俱功名顯榮

賈耆艾生員壽九十二歲

郭青峯年九十一歲

秦復初年九十一歲

恩賜絹棉米等物王錫齡壽九十歲

平文華壽九十二歲儒學旌以年高德劭

董守印年九十一歲

吳進爵字崇錫性剛正早歲家貧爲人傭田力供弟及子姪讀
書皆成立中年漸富慷慨好施親友待其舉火者恆數十家
素不學而愛親儒士未幾通曉百家說尤精算學每歲延致

名宿遠近皆就學於其家由是邑東文風爲之一振年百有
二歲而卒子宗剛舉孝廉方正

方伎

唐

甄權許州扶溝人以母病與弟立言究習方書遂爲高醫仕隋
爲祕書省正字稱疾免魯州刺史庫狄嶽風痺不得挽弓權
使設矢嚮塙立鍼其肩髀一進曰可以射矣果如言貞觀中
權已百歲太宗幸其舍視飲食訪遠其術擢朝散大夫賜几
杖衣服尋卒年一百三歲所撰脈經針方明堂等圖傳于時
立言仕爲太常丞杜淹苦流腫常遣視曰去此十日午漏上
且死如之有道人心中腹滿煩彌二歲診曰腹有蠱誤食髮而

然令餌雄黃一劑少選吐一蛇如拇無目燒之有髮氣乃愈
後以醫顯者清漳宋俠義興許胤宗洛陽張文仲李虔縱京
兆韋慈藏俠官朝散大夫藥藏監胤宗仕陳爲新蔡王外兵
參軍王太后病風不能言脈沈難對醫家告術窮胤宗曰餌
液不可進卽以黃耆防風煮湯數十斛置牀下氣如霧薰薄
之是夕語擢義興太守武德初累進散騎侍郎關中多骨蒸
疾轉相染得者皆死胤宗療視必愈或勸其著書貽後世者
答曰醫特意耳思慮精則得之脈之候幽而難明吾意所解
口莫能宣也古之上醫要在視脈病乃可識病與藥值唯用

一物攻之氣純而愈速今之人不善爲脈以情度病多其物以幸有功譽猶不知菟廣絡原野冀一入獲之術亦疏矣一藥偶得它味相制弗能專力此難愈之驗也脈之妙處不可傳虛著方劑必無益於世此吾所以不著書也卒年七十餘

文仲仕武后時至尙藥奉御特進蘇良嗣方朝疾作仆廷中文仲診曰憂憤而成若脅痛者殆未可救頃告脅痛又曰及心則殆俄心痛而死文仲論風與氣尤精后集諸言方者與共著書詔王方慶監之文仲曰風狀百二十四氣狀八十治不以時則死及之惟頭風與上氣足氣藥可常御病風之人

春秋末月可使洞利乃不困劇自餘須發則治以時消息乃
著四時輕重術凡十八種上之虔縱官侍御醫慈藏光祿卿

唐史

本傳

明

雷守道洪武時人精鍼灸法應詔入京試以銅人舉手輒中奏
聞授太醫院大使

國朝

劉一鵬少落魄遊燕薊間逢海內異能士輒師事之久之博通
諸家凡天文地理太乙奇門以及五運六氣之術靡不精研

嘗以策干某將軍不合去遊河朔濮上與諸縉紳談醫間以詩相唱和其詩亦逸曠有俠氣

嚴炳寰字代明邑庠生穎悟絕倫游泮後不求仕進肆力於易學占斷如神晚年尤精於奇門遁甲天文等書嘗作渾天儀武侯八陣圖說多有心得時粵西亂耗日逼中州騷然或問於炳寰應之曰若輩直孤注九族以求富貴耳後數年亂果平凡事類如此疾將革盡焚其著述其子請之曰欲讀書則有經史在此等不善用之徒累身家耳識者韙之

仙釋

宋

王明志幼入瑞雲宮學道後遊太華少室諸山遇異人授以飛仙之術辟穀不出一日道成謝諸友曰我以某日上昇眾笑以爲誕至期果乘白鶴飛去遂易其宮曰白鶴觀

胡三省幼好釋氏之學元末避亂關中見枯骨卽葬之暮年歸里至永樂間壽九十餘無疾而卒留偈云古月好看經形愚心自清風送雲遮月轉過顯光明葬後墓產靈芝三本

廣明號古鑑精通釋典戒行甚高憲宗聞其名詔主萬壽戒壇

一日演法畢遽令羣僧擊鐘鼓辭大眾端坐而曠

明

張三丰初在城東鳳凰岡洪山廟學道其族人猶能言之後坐化於武當山太和宮遺像尙存以銅鏡鈸爲笠扶溝人搏拊終不怒張氏尤無忌諱明史以爲遼東人不知何據

僑寓

宋

程叟河南人二程之父官至大中大夫附見明道傳明道宰扶伊川奉先生至官署居數月還

顧字正叔明道先生之弟奉父至扶居數月還

游酢字定夫建州建陽人明道宰扶溝設庠序聚邑人子弟教之召酢職學事因受學後以進士除知濠州

楊時字中立劍州將樂人熙寧中進士聞二程之學卽往從之與游酢寓居扶溝謝上蔡嘗云舊在二程之門者伯淳最愛中立正叔最愛定夫二人氣象亦各相似

謝良佐字顯道上蔡人少博洽見明道於扶溝語次舉書史無遺失明道曰賢記憶何多也抑亦可謂玩物喪志矣良佐慚汗浹背面發赤明道曰卽此是惻隱之心與劍州楊時俱遊

明道門明道每言楊君會得容易謝君如水投石然未嘗不稱其賢久之請歸蔡應舉明道曰何爲不就太學試也曰蔡人趨習戴記決科之利也明道曰是心不可入堯舜之道矣富貴有命於豐約間而不能無留情是不信道也遂留太學試是歲亦得舉後舉進士歷仕州縣

國朝

翁爾梅字古古江南徐州舉人明末大亂爾梅團練鄉勇思靖國難會鼎革乃舍去順治中數至扶溝與諸生平志奇善嘗縱酒陸橋談及前代事輒拊膺扼腕泣數行下醉卽爲詩長

歌短吟矢口輒就志奇每師事之後不知所終

宋天馬字士行江南宜興人少受學儲欣之門數奇不偶康熙
丙申遊扶溝邑諸生盧完留主講席從遊者歲不下五六十
人絳帳談經歷十八載一時及門之士經其指授咸能拔幟

文壇

郝散人徒步走天涯有睥睨一世之概康熙中遊扶溝每與之
言上下馳騁躡根探窟不可窮際畧及宦途輒袖手默坐不
發一語居數月遂去所著有復古集等書

唐丙字子大睢州舉人善屬文尤多詩癖每酒闌興到含毫瀟

墨落紙雲煙爲一時傾倒顧才高心下遇有種學績文之士
輒加咨賞卽後進末學稍可與言者口講指畫未嘗倦也居
扶溝二年譚詩者戶外屢滿云

李璋號我亭西華籍父紹曾精岐黃術多隱德贅於邑之嚴氏
遂家焉璋齟齬就學落筆卽能成文咸豐辛亥舉於鄉丙辰
進士以知縣用歷權直隸香河衡水固安旋補平谷所至有
聲相國祁文端公直督曾文正公皆嘉其才以治行第一保
薦調東安署大城題補宛平京師多大族璋峻其丰采無敢
干以私者升定州知州州屬京師孔道又當唐沙河之衝民

多瘠苦璋稟請大吏憲迭邀緩征減籍諸寬典光緒三年歲
大祲復據情籲懇得

蒙

恩賑乃遍歷鄉村躬查戶口饑民均需寬惠又指廉治餅餌以
食流民境內因有災無患在定十載沒於任民爲之罷市數
日

光緒扶溝縣志卷之十三

知縣熊燦纂修

列女志節孝

已旌未旌

節烈

已旌未旌

割股附

已旌未旌

列傳

淑媛附

周禮四教首重婦德劉向列女傳才德兼收顧處常爲德處變爲節矢志不渝所謂疾風知勁草也旌之祠之則苦寒必有陽春矣志列女

節孝

已旌

明

劉張氏

生員劉清妻

楊劉氏

楊一耀妻

周翟氏

生員周魯妻

張高氏

張學曾妻

呂王氏

呂誥妻

杜氏

杜俊彥女有傳

國朝

何盧氏

生員何際飛妻

楊邵氏

楊文燦妻

杜劉氏

杜如衡妻

盧牛氏

盧秦階妻

張盧氏

張應運妻

聶杜氏

聶作霖妻

杜劉氏

杜如芑妻杜美之母

杜劉氏

杜世美妻

崔劉氏

崔巖妻

翟陳氏

翟大千妻

聶郭氏

聶作棟妻

郝范氏

郝其嶽妻

盧馬氏

盧徵傑妻愈廼之祖母

聶楊氏

妻 聶琪

張胡氏

妻 張廷任

盧梁氏

生員盧愈
廻妻

郭寇氏

妻 郭永錫

張趙氏

妻 張德禹

史朱氏

妻 史若虹

陳弋氏

妻 陳甲振

張聶氏

妻 張念茲
有傳

李鄭氏

妻 李基高

李董氏

妻 李昭

張何氏

妻 張肄經

郭林氏

妻 郭學閔

齊熊氏

妻 齊望裔

郝王氏

妻 郝永平

郝薄氏

妻 郝育禮

郝劉氏

同高氏傳
妻 郝永寧

孫劉氏

武生孫
續妻

郝高氏

妻 郝永靜
有傳

盧谷氏

盧相妻

張蔡氏

張廷玫妻

李陳氏

李節貞妻

邢郝氏

邢珍妻有傳

張郝氏

生員張含章妻

郭盧氏

郭永良妻

徐王氏

徐天成妻

齊王氏

監生齊中興妻

王盧氏

王汝翼妻

盧寇氏

生員盧維宗妻允恭之母

盧李氏

武生盧允恭妻

賈楊氏

賈雲龍妻

王凌氏

監生王保成妻克昌之母

王楊氏

監生王克昌妻

李王氏

李圭京妻

朱張氏

朱大智妻

方嚴氏

方之縉妻

王田氏

王士奇妻

盧劉氏

盧傳學妻
生光之母

盧馬氏

盧生光妻

李杜氏

李之莊妻

嚴萬氏

嚴聖基妻

魏李氏

魏儀妻

李曹氏

李樞妻

陳樊氏

陳可學妻

郝何氏

郝容光妻

何杜氏

何奎麟妻

孫張氏

孫起瑞妻

何路氏

何麟妻

魯董氏

魯景瀛妻
有傳

王趙氏

王宗培妻

張楊氏

監生張炳妻

張劉氏

張士煒妻

王秦氏

王均讚妻

曹劉氏

武生曹名山妻
有傳

張劉氏

張煒妻
督學張旌以閨中松柏

馬聶氏

馬君儉妻以上六
人道光九年請旌

周薄氏

周光曾妻督學張
旌以陳孝曹貞

杜何氏

杜如榕妻督學張
旌以孤貞照日

賈王氏

生員賈日良妻督學
張旌以黃鵠興歌

賈楊氏

生員賈日璉妻督學
張旌以志如冰藥

張石氏

張桐雷
妻有傳

賈周氏

賈日貞妻督學張
旌以節孝堪義

郁王氏

郁世才妻王郝妯娌督
學張旌以一門雙節

郭張氏

郭如璣妻督學張
旌以苦節可貞

張王氏

生員張宏緒妻督學
張旌以井水無移

郁洪氏

郁安然妻督學張
旌以貞心照日

郁劉氏

郁巍然妻督學張
旌以完節可風

任杜氏

任可拔妻督學張
旌以苦節可貞

何王氏

武舉何瑞妻督學
張旌以苦操型俗

王馮氏

王運貴妻督學張
旌以淑節可風

于秦氏

于三省妻督學張
旌以激勵貞風

甯白氏

甯承業妻督學潘
旌以閨中正氣有傳

王杜氏

王璠妻督學張
旌以冰蘖保真

李杜氏

李之勛妻督學張旌以柏舟是誓

盧白氏

盧宗文妻督學蔡旌以柏茂松貞

張宋氏

張昭妻督學蔡旌以清操凌霄

方蘇氏

方展洪妻丙子主考羅旌以閨闈完人

王史氏

王文成妻丙子主考羅旌如藥飲冰

王羅氏

王宏暈妻

王張氏

王宏仁妻羅張妯娌丙子主考羅旌以共勵松筠

張李氏

張文遠妻督學劉旌以節凜冰霜

施添氏

監生施澤久妻戶部侍郎赫旌以陶節椰慈

陳馬氏

陳出圖妻督學林旌以矢心匪石

李蒲氏

李上飛妻督學吳旌以彤管載輝

張趙氏

監生張樹廷妻督學吳旌以玉德齊溫

張方氏

監生張星耀妻督學吳旌以彤管載輝

李張氏

生員李良一妻督學吳旌以冰心凜烈

張某氏

庠生張孔文妻知縣蕭讓旌其里

陳韓氏

陳憲章妻知縣杜多旌旌以節義維風

高邢氏

高習會妻知縣白不淄旌以節凜冰霜

李張氏

李來鳳妻知縣屠又良旌以閨範流芳

鄭吳氏

鄭合美妻知縣高錫爵旌以柏梅菡蓀

宋王氏

武生宋從儒妻旌以節媿和丸

何韓氏

何功載妻旌以孝可回天

王高氏

兵部職方司王真卿妻旌以慈壽懿模

陳劉氏

陳鴻禱妻旌獎

曹杜氏

曹子美妻知縣趙如桓旌以節操松柏

張張氏

張祖妻知縣劉嗣理旌獎

張羅氏

張魁雲妻旌以婦節母儀

楊梁氏

楊明福妾知縣何深旌獎

胡單氏

胡日玠妻

劉楚氏

生員劉如琦妻署知縣林培旌以節孝流芳

李黎氏

李九儀妻知縣姜公毅旌其里

溫劉氏

溫所從妻知縣郭紹璞旌以節孝流芳

薄陳氏

薄有廣妻有傳

劉張氏

劉宗仁妻知縣張元祐旌以樞筠高節

董盧氏

董奇聲妻知縣周鈺旌以冰霜勁節

王高氏

王之珂妻旌以節孝可風

丁杜氏

丁廣修妻旌以巾幗儀型

魏氏

魏廷舉妻旌
以淑德貞操

陳李氏

陳昂妻旌以
堅持雅操

王李氏

王印祚次男婦
旌以節勁松筠

王劉氏

王印祚長男婦
旌以冰霜節操

李劉氏

李國信
妻

班宋氏

班君寵妻旌
以節操之表

李陳氏

李金妻旌以
翠柏蒼松

李魏氏

李瑗妻旌以
節孝無雙

趙孫氏

趙景乾妻旌
以閨節足式

李壽氏

李瑞生妻旌
以節孝可風

劉李氏

劉成文妻知縣王
旌以冰玉貞操

宋徐氏

宋九淵妻知縣馬伯
輅旌以松筠節操

周孫氏

周宗文妻旌
以節孝可風

郝朱氏

生員郝豐玉妾
旌以松筠節操

張劉氏

張老妻旌以
操凜冰霜

盧羅氏

廩生盧光殿妻知縣徐
步蟾旌以冰鶴傳清

張路氏

張玉瑄妻旌
以志潔如玉

羅劉氏

羅雲龍妻旌
以壽徵節孝

楊吉氏

楊縣妻旌以
闡德流輝

萬鄂氏

萬邦範妻旌
以操勵冰霜

張李氏

張椿妻旌以
節凜冰霜

杜趙氏

杜宗仁妻旌
以鶴算冰操

何王氏

何體冠妻旌
以柏舟義重

何翟氏

監生何履泰妻
旌以操堅德茂

陳靳氏

陳可道妻旌
以苦節懷芳

杜白氏

杜桃妻旌以
矢志靡他

李杜氏

李連祥妻旌
以節凜冰霜

萬范氏

武生萬邦本妻
旌以晚菊飄香

王盧氏

王加俸妻旌
以淑德高年

單郭氏

單士學妻旌
以節孝可風

梁路氏

梁景芳妻知縣
七十一旌獎

杜張氏

杜宗勳妻旌
以冰霜節操

邵馬氏

邵應魁
妻

張章氏

張世榮
妻

鄒張氏

鄒維奇
妻

羅王氏

生員羅誕
妻

蒲聶氏

伶生蒲鳳岐妻

楊侯氏

楊垣妻

張鄆氏

張有召妻俱知縣七十一給匾

楊張氏

楊宏禮妻

施李氏

監生施士靜妻知縣董豐垣旌以冰玉同清

崔鄆氏

生員崔振基妻旌以婦道克嫻

賈李氏

賈辰龍妻旌以霜松晚茂

侯李氏

侯三德妻旌以苦節貞操

趙任氏

趙智妻旌以甘荼如薺

李高氏

李之苾妻旌以義守其姜

李聶氏

李正端妻旌以節貫秋霜

任孫氏

任法榮妻子欽妻王氏旌以冰雪雙清

丁羅氏

丁志孔妻旌以柏操荻訓

張蔣氏

張三魁妻旌以飲冰茹蘗

王邢氏

王時來妻旌以貞風勁節

陳全氏

陳奇才妻旌以保世完貞

段趙氏

段文升妻旌以義心苦調

王張氏

王時傑妻旌以立孤延祀

張余氏

生員張妻旌
以叔姬全節

王陳氏

王化德妻旌
以松青柏茂

郝舒氏

郝爾正妻旌
以貞齊楚媛

李郝氏

生員李運甯妻
旌以桓門貞順

張徐氏

張國玉妻旌
以矢志陶嬰

郝韓氏

郝育俊妻旌
以截髮銘心

齊郝氏

齊燦妻旌
以貞全別鵠

齊閻氏

齊戾妻旌
以義理完人

郝齊氏

郝育桃妻旌
以閨幃勁質

盧韓氏

盧瑜妻旌
以松柏堅貞

杜張氏

杜聯第妻旌
以貞孝雙臻

張魏氏

張可任妻旌
以合名壽考

郝郁氏

郝庚妻旌
以守全黃髮

高陳氏

高可里妻旌
以志厲冰霜

史王氏

史芝妻旌
以精衛嘗銀

郝周氏

郝申妻旌
以蘭佩流芳

李董氏

李之華妻旌
以苦節和丸

劉翟氏

劉慎妻旌
以志堅化石

單羅氏

單國璽妻旌
以義明從一

李王氏

李岱妻旌以
凌霜蕙竹

萬郭氏

萬方訓妻旌
以節貫貞珉

王高氏

生員王時義妻
旌以荻灰蕙節

朱李氏

朱待聘妻旌
以皎嫠爭輝

秦楊氏

秦文福妻旌
以年高勁節

李許氏

李之楨妻旌
以節壽同高

王楊氏

王璉妻旌以
湘竹長清

姜張氏

生員姜履泰妻
旌以敦詩秉信

齊高氏

齊國柱妻旌
以嚙雪貞操

李王氏

李允升妻旌
以霜菊晚香

姜聶氏

姜履文妻旌
以貞心匪石

田劉氏

田國福妻旌
以名標女史

宋單氏

宋著妻旌以
蘭雪清操

董宵氏

董存樸妻旌
以節婉孌

董玉氏

董舉妻旌以
冰心可剖

游宋氏

游桐妻旌
以義門賢節

董郭氏

董南極妻旌
以紀配齊名

張王氏

張河妻旌以潔逾崑玉

王任氏

王光臣妻旌以賦重安仁

李王氏

李三讓妻旌以泰姬節範

梅包氏

梅廷臣妻旌以志甘誓日

李謝氏

生員李錫齡妻旌以德門庸行

孫劉氏

孫奇卓妻旌以貞玉無瑕

張郭氏

張克誠妻旌以鶴懷三峽

張謝氏

張世則妻旌以閭範遺芳

何陳氏

何文淵妻旌以冰霜自持

白張氏

白德妻旌以蒼松高節

姜鄭氏

姜奇猷妻旌以海燕孤飛

王趙氏

王允升妻旌以義安抱影

齊李氏

齊振璽妻旌以含貞中禮

單李氏

單子欽妻旌以千金一髮

杜張氏

杜世正妻旌以抱貞完璧

宋欒氏

武生宋九章妻旌以孤雁不羣

李翟氏

李中錦妻旌以烏鵲明情

張趙氏

張文學妻旌以禮修慷慨

萬翟氏

萬菁莪妻旌
以女中高行

樂何氏

生員樂邈妻旌
以晏氏遺型

陳何氏

陳名山妻旌
以節並松筠

鄒薄氏

鄒良嵩妻旌
以管彤著節

谷李氏

谷廷寅聘妻夫歿過門
守節旌以信懸皎日

孫劉氏

孫繼統妻旌
以孤芳勁幹

羅常氏

羅網妻旌以
邯鄲素志

龔張氏

龔民愛妻旌
以貞節可風

任劉氏

任鳳林妻旌
以霜松慈竹

趙邢氏

趙閔
妻

嚴凌氏

嚴志學妻旌
以霜雪貞松

趙張氏

趙鳴
和妻

楊張氏

楊暉
妻

高韓氏

高欽
妻

郭趙氏

郭世
瑞妻

杜王氏

杜起
文妻

王馮氏

三升
妻

楊姚氏

楊端
妻

何孫氏

何中儉妻俱旌
以節孝可風

張路氏

張體仁妻旌
以冰玉常清

方江氏

方燦遠妻旌
以節壽雙輝

王齊氏

王一變妻旌
以節烈冰霜

宋羅氏

宋鰲
妻

牛萬氏

牛永貞妻旌
以節孝流芳

張顧氏

張贊妻旌以
志堅金石

李孫氏

李某妻旌以
志堅金石

左王氏

左永直妻旌
以闔節應章

鄢胡氏

鄢廷蘭妻旌
以節擬冰霜

田張氏

田玉太妻旌
以柏節松齡

陳胡氏

陳可佑妻旌
以閨闈儀範

胡魏氏

胡可欽妻旌
以節孝成慈

萬王氏

萬世芳妻旌
以臺高懷清

常郭氏

常貴妻旌以
柏節松年

王史氏

王文成妻旌
以芳貞濟美

袁李氏

袁永吉妻旌
以瑶池古雪

高劉氏

高春元妻旌
以孝慈全節

高黃氏

高淑德妻旌
以玉潔水清

高張氏

高松嶺妻旌
以貞節徽音

陳李氏

陳才妻旌
以臺崇懷清

路李氏

路洪彬妻旌
以節比松筠

王于氏

王存真妻旌
以荻訓裕昆

魯周氏

魯文魁妻旌
以彤管再書

曹楊氏

曹瑣山妻旌
以竹摧抱節

王張氏

王際春妻旌
以青史分徽

潘張氏

潘孟林妻旌
以勵節抱貞

張嚴氏

張懷玠妻旌
以古井無波

張李氏

張貞妻旌
以風竹霜松

杜王氏

杜錦堂妻旌
以苦節芳聲

馬樊氏

馬萬妻馬良元母
旌以慈筠長茂

尹徐氏

尹桂松妻旌
以慈竹長青

張王氏

張元本妻旌
以節昭水蘂

馬王氏

馬良元妻旌
以彤管疊輝

杜周氏

杜鍾靈妻旌
以竹節松年

劉留氏

劉五常妻旌
以閭節流徽

王單氏

王玉振妻旌
以恆其德貞

馮周氏

馮爾宵妻旌
以貞節延釐

金郭氏

金體孟妻旌
以竹清松茂

盧王氏

盧效惇妻旌
以冰蘖勵貞

趙王氏

趙繼修妻旌
以雪冷姝峯

姚孫氏

姚長吉妻旌
以梅雪共芬

李翟氏

李士信妻旌
以別鶴孤鳴

何劉氏

何松林妻旌
以黃鵠悲歌

楊劉氏

楊運祥妻旌
以孝可格天

何姜氏

何元松妻旌
以芳齊女宗

宋席氏

宋坦妾旌
以衛宗二順

何王氏

何照遠妻旌
以百尺懷清

宋魏氏

宋永發妻旌
以柏潔竹清

趙何氏

趙松峯妻旌
以節堅金石

宋王氏

宋堯臣妻旌
以節勵冰霜

吳聶氏

吳東景妻旌
以泊水同清

杜梅氏

監生杜暉烈妻
旌以魯有母師

路姚氏

路洪瑞妻旌
以孝慈兼備

李何氏

武生李振甲妻
旌以白首完貞

路張氏

監生路洪樞妻
旌以貞節共欽

趙高氏

趙松乾妻旌
以兩世柏舟

趙史氏

趙克忠妻
嵩乾母

王閻氏

王吉賢妻旌
以松柏冬榮

趙王氏

趙松林妻旌
以苦節遐齡

張章氏

張起妻
成德母

王何氏

王紹曾妻旌
以潘賦媿徽

胡張氏

胡逢寅妻旌
以歲暮寒松

張章氏

張成得妻旌
以一門雙節

趙范氏

趙福妻旌以
苦節徽音

張楊氏

張占魁妻旌
以孝慈兩全

嚴楚氏

嚴世寬妻旌
以巾幗完人

李曹氏

李琮妻旌以
瘦竹勁松

聶存姐

監生聶魁成之女太康
劉振榮聘妻夫亡自縊

袁何氏

袁永祥妻旌
以貞節高齡

以殉旌以
含貞玉潔

李董氏

李自欽妻撫憲錢
旌以雪髮冰心

杜大穩 妻子榮輅妻邑侯王旌
以美意延年上旌鐵心
李徐氏 李占元妻撫憲鄒旌以貞潔無言

永石 有傳

王左氏 王世秀妻兵部侍郎袁旌以節孝流芳

賈韓氏

賈國林妻撫憲旌以貞勵松筠學政旌以松筠
潘張氏 潘夢麟妻邑侯王旌以勵節抱貞

節操

呂金氏 呂振甲妻旌以瑤池生輝

方萬氏

方滿妻撫憲錢旌以松節柏齡

賈惠氏 賈心鏡妻錢儀吉旌以節勵永霜

馮高氏

馮義魁妻邑侯唐旌以節烈流芳

葛楊氏 葛孟元妻儒學旌以矢志永霜

潘劉氏

潘文治妻邑侯蔣旌以順德清操

劉嚴氏 劉振業妻

何陳氏

何光燦妻旌以志潔永霜

路王氏 儒童路沛霖妻

楊齊氏

楊起雲妻廣西遊擊關旌以松齡柏操

嚴何氏 嚴學妻

于李氏

王佩琳妻旌
以松操鶴算

朱賈氏

朱煥
儒妻

張杜氏

儒童張
宗耀妻

羅心氏

羅澤霖妻

李郭氏

儒童李文華妻
旌以松柏完操

賈張氏

賈玉瑞妻

李杜氏

李秀森妻

劉聶氏

監生劉國賢妻

何馬氏

儒童何士敬妻

劉李氏

劉應祥妻

鄢齊氏

鄢重運妻

趙萬氏

趙定字妻

陳郝氏

儒童陳甲寅妻

吉趙氏

吉乃至妻

張羅氏

儒童張雲興妻

劉陳氏

監生劉培祥妻有傳

杜仲氏

杜廉敬妻有傳

劉張氏

劉培成子世安妻

何任氏

何鑑
遠妻

劉杜氏

儒童世安子
劉鳳舞妻

李郝氏

李長
妻

楊王氏

儒童楊
文有妻

郝王氏

郝白
樂妻

高荻氏

高振
海妻

樊王氏

監生樊
建勳妻

張王氏

儒童張
殿魁妻

王氏李氏

卷跡模糊未
詳係何人妻

李嚴氏

李丙
南妻

李郭氏

李鳴
琴妻

聶李氏

聶文
元妻

牛馬氏

儒童牛
清蘭妻

吳李氏

生員吳
光照妻

聞萬氏

聞訓
典妻

王溫氏

儒童王鐸妻附姑
高氏伯姑劉氏傳

鄧李氏

鄧景
代妻

游李氏

儒童游
連升妻

何羅氏

何志遠妻

王李氏

王秀桂妻

周王氏

周長江妻

謝楊氏

謝再榮妻

李邵氏

李進寶妻

李理氏

李順峯妻

何張氏

何之原妻

楊羅氏

楊廷棟妻

何楊氏

何國治妻

張高氏

張儒童守國妻

張嚴氏

張渠妻蔣珣獎以心如金石

李張氏

李武生李欽標妻

何王氏

何增生何皞妻

杜郭氏

杜月堂妻

王杜氏

王際卯妻

高史氏

高儒童崑山妻

陳張氏

陳樂泰妻

王周氏

王心化妻

王張氏

王金柱妻

陳冠氏

陳恤民妻

何杜氏

何國元妻

郭陳氏

郭玉山妻

何王氏

何現奇妻

張王氏

附生張榮妻

宋張氏

朱榮安妻

嚴王氏

儒童嚴正妻

王金氏

儒童王派妻

曹王氏

曹龍瑞妻

陳王氏

齋奏廳陳大章妻

謝郭氏

儒童謝天錫妻

吳溫氏

吳永海妻

范王氏

范洪照妻

劉蒲氏

劉天緒妻

王郝氏

王其魁妻

杜程氏

儒童杜富汝妻

劉江氏

劉朝海妻

鄒賈氏

儒童鄒景重妻

袁謝氏

袁敬仁妻

宋李氏

宋應中妻

柳李氏

柳占鰲妻

陳殷氏

陳耀先妻

張楊氏

候選縣丞張胤妻

王劉氏

王振繡妻有傳

劉王氏

劉夢祥妻

王何氏

王元興妻

劉嚴氏

劉振業妻蔣珣旌以雪妻永

王李氏

王永祿妻

李杜氏

李延宗妻旌以節比松筠

趙張氏

趙壽妻

張任氏

生員張化成妻旌以勁節千秋

劉張氏

生員劉心一妻

張郭氏

張華曾妻旌以節全廉備

楊姜氏

楊體三妻

李杜氏

李秀生妻旌以孝全節立

夫傳康志節孝

何杜氏

何汝
婦

曹赫氏

曹芳林妻
以水心雪骨

周楊氏

周博瑛妻
以水節霜清

羅紀氏

羅振清妻
以心堅金石

聶嚴氏

監生聶善莪妻
以節孝仁慈

關何氏

貴德妻
以節光青史

關譚氏

關永智妻
以水清玉潔

任何氏

任長華妻
以水清玉潔

張李氏

張灝妻
以顧德清操

左何氏

左映昇妻
以節光史傳

李隋氏

李家祥妻
以撫孫完貞

梁周氏

梁元林妻
以徽昭彤管

吉仲氏

吉桂妻
以撫孤完貞

李高氏

李心泰妻
以霜節冰心

生員李含春

妻旌以清
操順德

呂袁氏

呂喬年妻
以節凜霜筠

李曹氏

李敬業妻
以共美節操

周何氏

周丕成妻
以百世流芳有傳

范王氏

范拱璧妻旌
以霜節冰心

王金氏

生員王家招母
旌以松筠比節

何王氏

生員何砥柱妻
旌以柏舟比潔

張劉氏

張懷璞妻旌
以貞風勁節

杜李氏

杜懋敏妻旌
以心堅鐵石

陳李氏

陳憲陞妻旌以
心如金石有傳

何張氏

儒童何兆鳳妻
旌以節光志乘

嚴王氏

生員嚴文田母
旌以流芳百世

羅杜氏

從九品羅志德妻暨子
明倫妻葛氏儒學崔旌

王張氏

王金貴妻旌
以貞心勁節

以松柏
同貞

節孝

未旌

明

羅杜氏

羅從寬妻

史趙氏

史寬妻

楊路氏

楊子山妻有傳

何李氏

何九思妻有傳

高楊氏

高尚孝妻

楊高氏

楊遷佐妻有傳

杜李氏

杜孟芳妻有傳

杜李氏

貢生杜文繼妻

常氏

常之任女有傳

國朝

張劉氏

張一儒妻

楊張氏

楊韓妻

朱何氏

朱洪書妻

趙宋氏

趙之臣妻

朱何氏

朱俊琮妻

劉張氏

劉珣妻

盧王氏

盧士璣妻

萬馬氏

萬量含妻

陳朱氏

陳大烈妻

謝李氏

謝公化妻

楊張氏

楊旺妻

魏陳氏

魏國治妻

陳董氏

陳璜妻

陳盧氏

陳璽妻

郁郝氏

郁世振妻

王常氏

王旋妻

劉高氏

劉光明妻

馬李氏

馬天植妻

董郁氏

董思明妻

郁牛氏

郁珙妻

董徐氏

董仙衣妻

郁王氏

郁璵妻

劉柳氏

劉興妻

董姜氏

董仙湄妻

齊王氏

齊作楨妻

陳羅氏

陳世榮妻

天序錄
卷之十三
節孝

七

朱雷氏

朱俊連妻

齊李氏

齊其林妻

高李氏

高漢雯妻

陳王氏

陳起鳳妻

李魏氏

李玉佩妻

李單氏

李景星妻

趙胡氏

趙之士妻

張單氏

張祖俊妻

李郁氏

李瑄妻

李高氏

李德林妻

潘杜氏

潘士勤妻

聶劉氏

聶復全妻

賈李氏

賈日俊妻

李劉氏

李煥妻

聶王氏

聶齊瑞妻

萬李氏

萬柱妻

李楊氏

李柵妻

翟張氏

翟廷柱妻

李盧氏

李立身妻

海李氏

海士龍妻

邢張氏

邢君旺妻

盧張氏

盧健妻

劉張氏

劉艾妻

溫包氏

溫忠妻

楊郭氏

楊廷芳妻

郁閻氏

郁順妻

張賈氏

張碩妻

張郭氏

張法宗妻

陳孫氏

陳復名妻

張章氏

張治妻

晉李氏

晉之魁妻

李黎氏

李之祥妻

董齊氏

董希成妻

董韓氏

董希聖妻

杜劉氏

杜酉妻

戴曹氏

戴哲妻

賈張氏

賈曾妻

楊周氏

楊珣妻

李張氏

李燕楷妻

蒲張氏

蒲三省妻

杜劉氏

杜之藩妻

范李氏

范榮興妻

張章氏

張廷玉妻

劉董氏

劉世俊妻

劉張氏

劉國蘭妻

張鄧氏

張冲妻

于劉氏

于敦常妻

張章氏

張繩祖妻

郁王氏

郁世學妻

嚴萬氏

嚴聖言妻

李高氏

李中孝妻

李趙氏

李允升妻

聶謝氏

聶齊端妻

孫萬氏

孫宏澤妻

郭王氏 監生郭習和妻

郭王氏 增生郭燦妻

許張氏 許振烈妻

李張氏 李蘭亭妻

王牛氏 王振東妻

施左氏 施潤德妻

王柳氏 王庚辰妻

李張氏 李君祥妻

海陳氏 童生海廷桂妻

梅李氏 梅岱領妻

程賈氏 程志忠妻

劉楊氏 劉法周妻

郁于氏 郁明安妻

方王氏 方崇山妻

杜邵氏 杜魁舉妻

張郁氏 張文嵩妻 媳魏氏

杜聶氏 監生樵家奇妻

郝張氏 郝欽賜妻 媳陳氏

李理氏 李靜妻 有傳

郝盧氏 郝宗邦妻 媳 土 氏孫媳 董氏

李張氏 李五 常母

張高氏 張伯安妻 媳 唐氏

穆吳氏 穆某 妻

張劉氏 廩生張維屏 妻 媳 王氏

李趙氏 李春 成妻

尹鄒氏 尹德 芳妻

宋欒氏 監生宋純修妻 候 選訓導宋汝瀛母

焦路氏 焦全 神妻

曹呂氏 曹泰 生妻

閻王氏 閻士 成妻

葛邢氏 葛雲 山妻

王李氏 王永 祿妻

葛陳氏 葛汝 梁妻

王邢氏 監生王 之楨妻

左聶氏 醫學訓科 左瀛源母

包張氏 包茂 林妻

王陳氏

王學
彥妻

桑陳氏

桑耀
璧妻

張李氏

張萬
林妻

閻王氏

閻芳
林妻

杜梅氏

杜中
立妻

曹葛氏

曹廣
西妻

路聶氏

路清
潤妻

萬左氏

萬玉
璽妻

王高氏

王志
正妻

袁鄒氏

袁玉
琦妻

尹郭氏

尹常
順妻

周張氏

周同
玉妻

王李氏

王國
治妻

王汪氏

王近
勇妻

葛王氏

葛臣
妻

張靳氏

張延
選妻

葛靳氏

葛用
德妻

樊徐氏

樊振
福妻

李王氏

李金城妻

邵白氏

邵國楨妻

葛李氏

葛文德妻

單郭氏

文生單錦章妻

路王氏

路敬先妻

宋朱氏

宋由中妻

董聶氏

董治官妻

陳石氏

陳恆信妻

董朱氏

董士超妻

陳杜氏

陳振綱妻

張何氏

張保妻

游宋氏

游喜成妻

何張氏

何大德妻

杜李氏

杜鍾澤妻

何劉氏

何連捷妻

方郭氏

方學恭妻有傳

吳嚴氏

吳清璧妻

王吳氏

王玉良妻

魏周氏

魏見
林妻

梅馮氏

梅叙
元妻

李趙氏

李天
元妻

李韓氏

李海
珍妻

王張氏

王炳
煥妻

王孫氏

王廷
俊妻

盧白氏

盧均
妻

張杜氏

張學
書妻

溫李氏

溫天
祿妻

張齊氏

張振
遠妻

王周氏

王心
化妻

張宋氏

張君
敬妻

晉張氏

晉明賢妻
媳蔚氏

王杜氏

王際
卯妻

李胡氏

李王
璽妻

王金氏

王逢
瑞妻

宋王氏

宋迎
福妻

李劉氏

李清
魁妻

吳魯氏

吳永祿妻

宋張氏

宋君敬妻

焦常氏

焦文學妻

劉李氏

劉克勤妻

羅楊氏

羅炎照妻

姜曹氏

姜修禮妻

張王氏

張文多妻

于常氏

于清士妻

馬曹氏

馬安邦妻

溫喬氏

溫天照妻

張謝氏

張極泰妻

許胡氏

許廷召妻

程王氏

程盡忠妻

許李氏

許金波妻有傳

李葛氏

李振倫妻

吳王氏

吳永讓妻

姜賈氏

姜萬山妻

李張氏

李全三妻

姜夏氏

姜同泰妻

王劉氏

吏元王維一妻

尹范氏

尹太香妻

姜王氏

姜修寅妻

張王氏

張魁祿妻

王賈氏

王之義妻

王劉氏

王秀生妻

張何氏

張煥境妻

王張氏

王西山妻

張楊氏

張九先妻

陳翟氏

陳鳳儀妻

張魏氏

張玉山妻

陳李氏

陳有用妻

姜趙氏

姜甲祿妻

嚴何氏

嚴位廣妻

張朱氏

張紹先妻

郝張氏

儒童郝全場妻

張萬氏

張紹一妻

夫... 節孝

盧氏

舉人盧埜女有傳

姜曹氏

姜朝棟妻

王游氏

王乾妻

王吳氏

王居成妻

李張氏

李萬章妻

宋馬氏

宋永泰妻

李盧氏

李福德妻

曹王氏

曹八月妻

郝齊氏

郝郎妻

李郭氏

李明勤妻

任包氏

任應瑞妻

嚴何氏

嚴全性妻

邢趙氏

邢稍妻

謝張氏

謝國泰妻

楊段氏

楊法春妻

張王氏

張名山妻

金陳氏

金鹿福妻

張孫氏

張止敬妻

姜張氏

儒童姜修德妻

王溫氏

王甫田妻

李里氏

李萬松妻

邢張氏

邢長德妻

李賈氏

李景來妻

邢杜氏

邢青枝妻

郭董氏

郭錫恩妻

邢張氏

邢永福妻

盧劉氏

盧俊業妻

邢趙氏

邢永和妻

高葛氏

高悅倫妻

徐馬氏

徐洪經妻

李陳氏

李景春妻

朱趙氏

朱監生朱會同妻

楊劉氏

楊永宵妻有傳

方王氏

方先庚妻

張何氏

盧生張化醮妻

賈郭氏

賈瑞雲妻

魏郭氏

魏福順妻

王鄒氏

王同寅妻

羅萬氏

羅慎德妻

賈吳氏

賈玉棟妻

羅張氏

羅振印妻

鄭邵氏

鄭九廣妻

楊侯氏

楊重林妻

高鄭氏

高喜倫妻

馮李氏

馮存福妻

楊任氏

楊思奇妻

李王氏

李秦妻

陳張氏

陳樂章妻

馮韓氏

馮存黑妻

陳曹氏

陳鵬妻
有傳

張劉氏

張天福妻

張陳氏

張履正妻

王杜氏

王於戌妻

嚴張氏

嚴羣妻

徐崔氏

徐波妻

楊姜氏

楊道義妻

弓方氏

呂桂妻

劉趙氏

儒童劉景山妻有傳

楊高氏

楊明月妻

彭喬氏

彭松嵐妻

萬謝氏

萬五妻

袁陳氏

袁廣德妻

張盧氏

張洪妻

呂趙氏

呂金光妻

平張氏

平乃讓妻

何王氏

何國寶妻

劉龐氏

劉丙科妻

曹魏氏

曹之學妻

郭錢氏

郭清玉妻

邢何氏

邢國寶妻有傳

馬李氏

監生馬圖章妻

阮何氏

阮臨楨妻

許杜氏

生員許樹月妻

王杜氏

王朝英妻

張萬氏

張文科妻

焦萬氏

焦海潤妻

馬王氏

武生馬騏妻

彭宋氏

監生彭三妾

張何氏

張輝琴妻

王谷氏

武生王定國妻

張吳氏

張定國妻

何李氏

武舉何崑亭妻

何郭氏

何貴學妻

郭張氏

郭承長妻

張翟氏

侯選教諭張錫申妻

羅郭氏

儒童羅棟妻

張郁氏

張湯妻

張董氏

張珠林妻

劉潘氏

劉振興妻

張王氏

張美臣妻

馬朱氏

馬玉興妻

張杜氏

張世立妻

何李氏

何秀榮妻

孫魏氏

孫士德妻

楊魁氏

楊石妻

李何氏

李百福妻

楊聶氏

楊希典妻

穆宗氏

穆永興妻

陳廬氏

儒童陳存德妻

劉穆氏

劉元更妻

李常氏

李文彰妻

劉王氏

劉良德妻

江班氏

江振圖妻

焦劉氏

焦仲三妻

金李氏

金振邦妻

劉盧氏

劉紹孔妻

劉甄氏

劉景玉妻

李繼氏

李學妻

劉陳氏

劉存妻

段劉氏

段燦章妻

王綸氏

王以和妻

聶呂氏

聶振榜妻

班劉氏

儒童班際隆妻

李柔氏

李敬先妻

常郭氏

監生常明德妻

胡侯氏

胡霞升妻

王劉氏

生員王運昌妻

顧纓氏

顧炳南妻

顧高氏

顧玉麟妻

張王氏

張元惠妻

李魯氏

李三德妻

賈曹氏

賈鑑妻

郭王氏

郭紹伊妻

劉宋氏

劉鳳崗妻

譚劉氏

譚振西妻

蘇張氏

蘇應元妻

胡朱氏
胡文魁妻

郭欒氏
郭興國妻

張聶氏
張承新妻

陳宋氏
陳應惠妻

謝何氏
謝清傑妻

劉李氏
劉國興妻

康周氏
康天年妻

郭喬氏
郭卓監生元妻

馬尹氏
馬蓋臣妻

李徐氏
李明山妻

張李氏
張敬訓妻

劉馬氏
劉士魁妻

李王氏
李世秀妻

張何氏
張兆秀妻

侯王氏
侯殿臨妻

李任氏
李延文妻

曹趙氏
曹生員嚴然妻

萬侯氏
萬青峯妻

節孝

曹金氏

曹欽
典妻

嚴謝氏

嚴雁
塔妻

何陳氏

何國
卿妻

魏王氏

魏永
緒妻

侯王氏

侯峻
山妻

陳王氏

陳效
武妻

張李氏

張紹
曾妻

嚴謝氏

生員嚴
文田妻

劉孟氏

劉致
中妻

劉萬氏

劉青山
妻有傳

何杜氏

何國
元妻

張王氏

張心
勤妻

馬許氏

馬科
妻

李高氏

儒童李
長祥妻

馮王氏

馮曉
樓妻

何李氏

何金
箱妻

劉王氏

劉永
貞妻

李何氏

李善
述妻

劉李氏

劉春田妻

王劉氏

生員王運風妻

劉張氏

劉管桂妻

王宋氏

王運德妻
媳楊氏

王牛氏

王苗杜妻

馬郝氏

馬良士妻

李王氏

李貞妻

白王氏

白廣化妻

白張氏

白廣秀妻

董李氏

董世祿妻

陳王氏

陳天化妻

劉趙氏

劉存典妻

張韓氏

張新節妻

楊張氏

楊永振妻

楊毛氏

楊興玉妻

祝劉氏

祝廷貞妻

馬劉氏

馬保桂妻

楊王氏

楊淑玉妻
媳張氏劉氏

陳賈氏

陳成順妻

李呂氏

李太法妻

張章氏

張法權妻

董郝氏

董玉春妻

趙郝氏

趙天資妻

董杜氏

董文陂妻

賈張氏

賈如兆妻

張盧氏

張朝臣妻

張王氏

張廣德妻

謝杜氏

謝培蘭妻

劉崔氏

劉兆麟妻

黃陳氏

黃純妻

張王氏

張振乾妻

張許氏

儒童張應樞妻

謝張氏

謝錦邦妻

張楊氏

張錫瑾妻

謝楊氏

謝錦朝妻

謝何氏

謝濤潔妻

王楊氏

王昭妻

劉申氏

劉景元妻

李周氏

李蝸妻

馮劉氏

馮本立妻

董玉氏

董天祥妻

張聶氏

張鳳瑞妻

王聶氏

王與材妻

張李氏

張三省妻

王張氏

王元旺妻

劉王氏

劉來朋妻

張陳氏

張履德妻

李張氏

李貴成妻有傳

陳李氏

陳明誠妻有傳

張王氏

張應羣妻

吳巖氏

吳中孚妻

張杜氏

儒童張贊廷妻

侯郭氏

武生侯毓文妻

曹宋氏

曹得眾妻

王高氏

王振統妻

節烈已旌

明

王劉氏

王之倚妻有傳

劉王氏

劉供祿妻殉夫

郝高氏

原任鴻臚寺鳴贊郝騰妻

路溫氏

生員路康途妻有傳

國朝

張郝氏

張嗣祖妻有傳

郝杜氏

郝霄漢妻有傳

路盧氏

生員路克配妻有傳

李氏

李亮臣女有傳

黃高氏

黃成玉妻有傳

杜張氏

杜宗功妻有傳

許梁氏

許成法妻拒姦羞忿自盡

孟邵氏

孟某妻拒姦被傷身死

郭宋氏

郭某妻拒姦羞忿自盡

包陳氏

包當理妻拒姦羞忿自盡

趙尹氏

趙要妻聞穢言羞忿自盡

陳李氏

陳煥妻拒姦羞忿自盡

周田氏

周福妻拒姦羞忿自盡

賈惠氏

賈元麟妻殉夫有傳

胡梁氏

胡大本妻拒姦羞忿自盡

蕭呂氏

蕭雙妻拒姦自盡

李盧氏

李敦頤妻殉夫知縣周上皇旌以節烈雙貞

何楊氏

監生何逢年妻知縣周鉉旌以節烈流馨有傳

姜李氏

姜文成妻有傳

郝吉氏

郝爾博妻殉夫知縣郝士超旌以貞節不磨

劉張氏

劉日功妻旌以燒美共姜有傳

時溫氏

時流妻色侯熊旌以水清自矢有傳

節烈 未旌

元

丁李氏

舉人丁尙賢妻有傳

明

李吳氏

羅楊氏

李張氏

吳氏

張李氏

李氏

以上辛未七烈有傳

李氏

劉張氏

劉良士妻有傳

傅康氏

傅時雨妻有傳

李氏

李孔則女同桑氏傳

桑氏

練寺民家女有傳

劉氏

劉澤灝女有傳

盧氏

貢生盧盛
眷女有傳

劉詵氏

劉文元
妻有傳

李郭氏

李齊美
妻有傳

李常氏

生員李光
啟妻有傳

許張氏

許子選
妻有傳

國朝

軒吳氏

聯之立
妻有傳

聊李氏

聊興隆
妻有傳

聶氏

聶大成
女有傳

江郭氏

江思九
妻有傳

崔董氏

崔振彥
妻有傳

何任氏

何子學
妻有傳

敬姓女

許字玉延
仁有傳

李姓女

許字郝
需有傳

孫萬科女

有傳

王宋氏

儒童王耀
南妻有傳

夫孫系示

卷之十三節烈

長

孫朱氏 孫世發妻有傳

李閻氏 原生李明敬妻有傳

姜魏氏 姜文登妻有傳

潘王氏 生員潘志忠妻 媳陳氏有傳

董姓女 有傳

趙劉氏 趙玉峯妻有傳

宋楊氏 宋鍾蘭妻有傳

李張氏 李伯成妻有傳

馬方氏 馬廣武妻有傳

郭王氏 郭瑞興妻有傳

張趙氏 張大田妻有傳

嚴海氏 嚴廣泰妻 媳金氏

王高氏 王毛妻 有傳

高喜女 有傳

張姓女 有傳

嚴金氏 嚴長坦妻

嚴郭氏 嚴崇禮妻 媳田氏

方王氏 方金標妻

路鄭氏

路鳳德妻

郝周氏

郝成友妻有傳

王金氏

王海臣妻

何陳氏

何敏中妻

嚴劉氏

嚴福林妻

張李氏

張學林妻

李侯氏

李實意妻

袁朱氏

袁承基妻

魏賈氏

魏寅妻

聶姓女

有傳

陳金氏

陳玉鳳妻
媳丁氏

丁何氏

監生丁文翰妻

以下咸豐九年殉難節烈

王曹氏

王得印妻
女仙姐

何黃氏

何之春妻
女請姐二姐

李張氏

李合妻

楊許氏

楊廷芳妻
女願姐

王張氏

王鳳章妻

吳桑氏

吳丙戌妻

王周氏

王景蘭妻

桑李氏

桑應選妻

趙侯氏

趙玉章妻
女貴姐

桑周氏

監生桑磊峯妻

李管氏

李發財妻

王金氏

王作順妻

蒲李氏

蒲丙妻

陳戴氏

陳寶三妻

張章氏

張魁豹妻

王張氏

王鳳宸妻

陳屈氏

陳玉鳳妻
女大妮二妮三妮

項李氏

項青選妻
子狗擾

丁侯氏

丁耀西妻

金焦氏

金心成妻
女小姐

嚴海氏

嚴文廣妻

楊何氏

楊南妻

李仲氏

李文炳妻

楊耿氏

楊天德妻
女大

嚴金氏

嚴長有妻
女玉姐
燕姐

楊穆氏

楊永茂妻

楊朱氏

楊天滋妻
女二姐

嚴敦注女

慧姐
巧姐
蕙姐

祝杜氏

祝廷拔妻

楊王氏

楊天佑妻

嚴龐氏

嚴位山妻

楊李氏

楊永剛妻

楊孫氏

楊永煥妻

嚴曹氏

嚴文靜妻

楊趙氏

楊永貞妻

楊靜玉女

秦姐

嚴王氏

嚴國整妻

馬楊氏

馬玉泰妻

馬高氏

馬雲龍妻

楊宋氏

楊永昇妻

楊陳氏 楊傑妻

李邨氏 李玉貴妻

楊張氏 楊永恕妻

張章氏 張同居妻

李王氏 李國良妻

李郭氏 李廣泰妻

王魯氏 王立三妻

張李氏 張朝選妻

割股附 已旌 未旌

郭任氏 郭天正妻 割股愈翁 病旌 以孝性純篤

班魏氏 班文明妻 割股愈翁 病旌 以孝心真篤

周楊氏 周成儒妻 旌 以孝冠巾 綢

班李氏 班文質妻 旌 獎

李高氏 李中桂妻 割股愈姑 病旌 以回天矢日

劉辛氏 劉恆春妻

李張氏 李建極妻

郝劉氏 郝成法妻

程施氏

程竹林妻

張王氏

張保慶妻

潘宋氏

潘公臣妻

楊徐氏

楊秀成妻

桑梁氏

桑映道妻

劉李氏

劉興林妻

賈鄭氏

賈心和妻

楊李氏

楊思讓妻

劉羅氏

劉雙嶺妻

楊夏氏

楊懷妻

節孝列傳

卷之三

杜氏杜俊彥女歸太康姜元善未三載元善亡彌留與氏訣曰

汝身方娠若生男善視之女則聽汝自爲氏誓以身殉旣而

生女欲引決孀姑楊氏泣曰吾十七歸若翁九載孀居今老矣汝獨不可終侍吾乎乃起視寢膳姑以哭子喪明左右弗離者數十年楊死哭之慟氣中斷不能言亦死建坊崇祀

國朝

聶氏張念茲妻夫亡子幼時翁姑及夫祖父母叔祖父母俱停柩在家氏悉以禮葬其母死兼撫其弟族有孤女無歸者收而養之守節三十餘年旌表入祠

高氏郝永靜妻劉氏郝永甯妻俱早寡無子舅姑病高求以身代劉衣不解帶者數十日及歿爭出已資以殮每共祭掃必

負土添壟曰今日多一抔土異日孤墳無主或多耐一日犁
毀聞者淚下同守四十餘年旌表入祠

郝氏邢珍妻珍目雙瞽繼姑性嚴刻曲盡孝養喪葬合禮及珍
歿長子二齡次僅六月夫從兄弟欲奪其志極力防範守節
三十二年旌表入祠

董氏魯景瀛妻八歲時父母俱亡童養魯門十六歲方議合婚
而景瀛芸禾傷根被父數罵因而亡去兄景山尋訪數載未
獲氏安心守貞事翁姑先意承歡翁歿姑多病氏設一席于
牀前晝夜侍奉不離有富豪某慕其賢又以魯姓貧欲以重

利娶之媒者至門見氏方爲姑滌穢器扶姑與客言媒者敬
畏不敢發謂某曰魯家娘子真至孝人不可犯也守節五十
二年卒現請旌

劉氏太康劉澤鎬之女許字武生曹明山年十八婚有期而明
山歿明山與氏爲中表親見面不避十六歲議婚後乃避氏
聞訃悲慟幾絕父母苦勸之氏曰吾行息皆如見曹郎吾曹
家婦吾歸曹耳父母以其不可止乃歸曹事翁姑以孝聞翁
姑歿夫有兩弟皆孩提撫養成人營祖翁姑翁姑葬事及嗣
子諸姪婚嫁十餘人皆手自捫搯家素豐後以食指繁漸中

落氏勤儉支插伏臘賓筵悉無缺年六十三歲而無緇鰥而
矚若佛金色知縣王德瑛親造其門謁之爲請旌

石氏張桐雷妻桐雷死氏年二十遺子竹僅朞歲翁老家貧夫
兄某欲嫁之氏以死自誓族人偃師教諭桐叟憐其苦歲周
給之氏復日夜紡績撫子成人夫兄益貧窮不能終父養氏
迎翁至家生養死葬一身獨任子竹復病亡氏復與孀媳撫
幼孫艱苦備歷人欽其操督學張旌之曰金石銘心

白氏甯永業妻年十八歲歸甯夫僅九歲時舅姑老思得健婦
以資鹽饋明年舅歿又明年夫亡氏猶女而未婦也守節養

姑未一年而姑又歿竭力營葬憂勞致疾弗藥而卒年二十有二

陳氏薄有廣妻歸薄五載夫亡家貧紡績以養其翁康熙四十八年火焚其室翁方病卧氏赴火哭救力怯不能負翁媳俱死府學教授王瓊旌之曰殉難完貞

杜大穩妻少寡性情仁慈好行其德遺孤榮輅亦少亡媳曹氏年十九歲與氏相依姑慈媳孝內外無間家業殷富捐入族塋祭田地兩頃餘畝道光十年重修城隍廟捐錢三百千

仲氏杜廉敬妻結褵二載夫亡氏誓以死殉及葬以頭撞棺暈

到氣絕少間復蘇親屬勸以有翁姑在乃止後翁姑歿喪葬
合禮業己公舉請旌

陳氏劉培祥側室夫亡守節子世安甫週歲撫育之入國學娶
婦張氏子歿又與張撫其孫鳳舞成立娶孫婦杜氏孫又歿
又率孫婦撫育曾孫三世嫠居一門守節道光二十七年俱
蒙旌獎

劉氏王振繡妻夫亡遺腹生子中泰課以義方列成均一生不
輕言動暮年與伯叔母他出將出門矣轉曰吾不輕過此門
已五十餘年豈于今而貽王門羞耶卽止其弟振統妻高氏

振統之子鐸妻溫氏亦幼年夫亡堅志守節均蒙請獎時謂
一門三節

李氏陳憲陞妻夫早歿氏以柏舟自誓子裔植妻尹氏姑病篤
焚香祝天願以身代裔植早殞亦以節聞

柯氏孺童周丕成妻于歸越月而夫亡又二年翁姑亦相繼卒
氏孑然無依族中不肖者復覬覦之氏益感奮擇姪爲嗣門
戶復立足跡不出中門二十餘年

節孝列傳 未旌

明

路氏楊子山妻夫死事姑盡孝家貧不給姑性急屢遭鞭笞無怨言姑歿破產以葬

李氏何九思妻夫亡翁蕩家幾盡氏強挽之存百分之一用給朝夕有欲奪其節者誓不從持節五十餘年

高氏楊遷佐妻夫早亡生計日促氏績紡養舅舅死無以爲葬淚盡血繼邑里爲之罷春相

李氏生員杜孟芳妻結褵五載孟芳卒守節四十年有孤雁哀鳴于庭麾之不去

常氏邑人常之任女舉人常攀桂姊也歸祥符劉治民治民早

亡守節撫遺孤壬午闖寇掠汴氏携孤南避備嘗艱辛亂定
教其子鴻駿力田讀書鄉里欽之

國朝

理氏李靜妻踰月而靜亡氏年十九或勸其他適氏曰吾夫誰
與姑共晨夕孀居五十四年鄉里欽之

氏廩生張維墀妻係尉氏縣湖北督糧道劉恆毓之女二十
四歲夫故無子以姪錫類爲嗣娶王氏甫生孫而錫類亦歿
媳年二十二歲痛不欲生氏勸以撫孤承嗣爲重王氏因整
泣從命姑媳相依同撫孤兒兩世節孝里黨欽之

李氏方學恭妻子歸逾年夫歿氏矢志靡他執婦道如故歸
外未嘗輕出閨闈遠近賢之

李氏許金波妻夫故誓以死從水漿不入口者八日亦無恙姑
曰汝死吾誰依當念吾氏諾之其子廷召妻胡氏結稿一紙
廷召卒胡御藥死

盧氏通邑婁神環妻舉人盧塋女幼聽家訓知大義夫故即於
是日自縊家人救之甦共勸諭之謂有孀姑在汝死付妾親
于何人氏乃堅志守節奉養姑以孝聞逮歿喪葬合禮共以
爲巾幗完人

劉氏楊永甯妻夫故氏卽自縊家人覺而救之乃免苦志守節
後賊破寨投水死

曹氏陳鵬未笄妻幼養于陳夫卒氏泣欲殉翁姑防衛甚至不
如志氏父母亦以其年幼勸他適氏曰死爲陳門鬼生爲陳
門婦非陳吾不歸也如不我可有死而已父母知不可奪乃
歸陳撫姪爲嗣年八旬卒鄉里欽之

趙氏儒童劉景山妻適劉三年夫故事親盡道遺腹子以琬
書入庠現年六十餘歲

何氏邢國寶妻二十六歲夫亡和母與翁姑俱存翁姑老

靠紡織以供饗殮及祖母與翁故氏獨依瞽姑咸豐年間避
亂下馬劉寨破負姑逃脫鄰親重之

萬氏劉青山妻歸劉一年劉歿氏二十一歲以柏舟自誓守節
六十餘年

張氏李貴成妻幼養于李值歲饑翁姑遣氏歸轉與氏父母商
令氏別適爲生計因又締婚他姓于歸有期氏始知之潛奔
李謂翁姑曰吾任死不復歸矣翁姑無如何留之氏父母遂
同他姓控官氏親自投首誓非李不婦斷仍歸李後井曰親
操無怨言鄉里嘖嘖以爲女中丈夫焉

李氏陳明誠妻歸陳二載夫故子女俱無惟有弱弟二人氏撫
綏備至舅姑老且病衣食奉養皆氏躬親守節六十七年達
近賢之

節烈列傳 己旌

明

劉氏少孤依孀母許字王之倚未嫁之倚死求從母會葬長號
欲殉母強之返遂絕食越十二日死昇柩與之倚合旌表崇
祀

高氏鴻臚寺鳴贊郝騰妻明末寇起氏隨夫避難與賊遇騰奔

而北氏奔而西賊追及逼之行氏瞋目曰殺卽殺耳吾名家婦豈肯從汝遂遇害從姪高明樓得其屍藁葬於水西之東康熙六十年孫監生作霖起櫬與騰合葬雍正十一年旌表

崇祀

溫氏庠生路康途之妻拔貢生路飛雝之母孀居課子閩範可風土賊陷城抗節墜樓死

國朝

郝氏生員張嗣祖妻歸張四載嗣祖亡撫孤守節崇禎十四年流寇破扶溝欲相犯氏厲聲罵曰我節婦肯爲賊污耶揮刃

欽賊賊怒以刀劈其首昏絕賊去復甦携孤避河朔 國
初始還年九十歲頭顱刀痕猶班班可數也旌表崇祀

杜氏生員郝漢膏妻歸郝四載漢膏亡無嗣欲以昆弟子爲後
翁弗許將分漢膏之產益他子而遣氏歸杜以待老蓋老年
亂命也翁歿諸昆弟仍不爲立嗣氏訴于縣知縣趙如桓集
其昆弟諭以理法嗣乃定親造其門旌之氏緝繡教子苦節
六十餘年旌表崇祀

盧氏生員路克配妻年二十二夫歿投環者再復墜樓傷肢皆
不死其母諭之曰汝上有舅姑下有親孤不宜死乃止守節

三十一年旌表八祠

李氏李亮臣女亮臣賣酒爲業于國喬伺其夫外出強逼之
女堅拒不從母歸泣告遂自縊旌表崇祀

高氏黃成玉妻夫出刈田惡少候遂潛犯之氏堅拒不從鄰婦
聞聲驚問逐出走夫歸哭懇畢自縊建坊旌表

張氏監生杜宗工繼妻宗工亡氏年二十六妾張氏年十九氏
方有孕以妾無出聽自便妾曰我久事主母生死以之我去
誰與共晨夕者倘生也男主人有後卽有依矣言畢淚下如
雨氏乃許共守後果舉男氏多病妾鞠之如己出同守三十

七年乾隆中旌其雙節

惠氏賈元麟妻二十二歲夫歿氏悲慟氣絕少間復蘇潛赴別室自縊家人急救之氏哭拜兄嫂囑其善事父母誓以身殉夫及殮氏以頭撞棺暈倒幾絕復絕粒三日親屬皆苦勸慰乃稍進粥後乘防守偶疎登樓自墜碎頭腦而死部臣以夫亡殉節事在奉

旨禁止之後疏請奉

特旨准予旌表

楊氏監生何逢年妻年十八歸何閱一載夫故氏痛哭幾絕

治喪具夫殮畢遽自縊香氣盈巷經日不散知縣周鉉旌其門曰節烈流馨

李氏姜文成妻氏頗有色文成外出強暴欲犯之氏力拒得免閉戶自經知縣何深理其冤給匾旌獎題碑墓道

張氏劉曰功妻曰功早亡氏守節數年會大饑翁欲奪而嫁之投環死年二十九鄉人皆哀之爲請獎蒙旌以金石銘心

溫氏時流妻被陳西嶺調姦不從羞忿自盡

節烈列傳 未旌

元

李氏舉人丁尙賢妻劉太保陷邑城不戢士卒氏爲亂兵所執
欲污之怒罵曰我義門婦豈肯從賊以簪刺喉死按通志祥
符志並載李氏今攷尙賢係宋相丁度之後世居大梁應爲
祥符人而舊志又以尙賢爲扶溝舉人祥志無之其殆寄籍
扶溝者與

明

正德六年霸寇犯扶溝婦女爲賊所執義不受辱者七人李文
明妻張氏斷臂死李全妻吳氏剖孕死戮屍於野犬爲守之
者張慕妾李氏也亂刀潰體暴屍去者羅理妻楊氏也直溝

河李氏給賊自投於河裴村吳氏櫻賊怒投屍于火北關李氏以罾賊被害于壇壝之間時謂之辛未七烈

康氏琴士傅時兩妻時兩歿氏誓以死從偃卧柩側不肯起或強之食不下咽而嘔絕粒十八日始絕面色如生弔者或悼其左計猶作顰蹙狀

張氏鄉耆璉之女也許字劉良士未嫁良士歿氏飲泣不食父兄慰之曰女未嫁猶臣未委質也氏不答有通媒灼者毋喜告之面遽赭入閣自經死

桑氏練寺民家女李氏軒莊李孔則女賊掠境得之逼令上馬

俱堅執不從罵賊死

盧氏貢生盧盛春女歸尉氏生員侯嘉賓嘉賓早卒事舅姑以孝聞舅姑歿携子來依崇禎十五年冬聞寇變歸葬其姑始畢寇至投井死

劉氏生員劉澤灝女歸鄢陵常錫允崇禎十五年歸甯聞鄢陵城破反至李家集爲賊執逼之行不從見殺

郭氏李齊美妻生子宗聖崇禎十五年闖賊至被執度不免乃給賊釋夫與子遂自刎賊恨腰斬之

許氏劉文元妻城破賊欲擄之去堅不從投水死

張氏許之遜妻崇禎十三年九月爲流賊所執強之行不從投
之上馬投於地鞭之大罵殺而焚之

常氏生員李光啟妻明末寇熾光啟亡氏顧垣中共語其家人
曰此吾安宅也後城破率二青衣躍入死後出其尸面如生

國朝

吳氏吳輔之女幼字軒之立未嫁之立死氏年十七哀請往弔
其父不允謀另擇壻自縊死

李氏聊興隆妻夫病革謂氏曰汝年幼無子且家貧我死可速
嫁氏誓以身殉夫亡歸母家母又欲嫁之投纆死同夫葬于

漏澤園觀者泣下

聶氏監生聶大成女歸通許生員賀聚堂母病歸甯夫暴亡氏聞之慟哭佯爲奔喪狀促治裝黎明家人駕車以待久之不出視之已投環死矣走報賀歸其喪

郭氏徽州江思九妻思九寄居扶溝未幾死氏年二十痛不能歸葬訪知夫兄公長在徽不遠千餘里遣人迎至將所遺盡付之約與扶櫬俱旋行有日矣竟投環死公長並載之歸

董氏霍振彥妻歸霍後育男女三四人歲荒生計窮迫振彥欲賣之氏不從夜半携其幼子投井死

任氏何子學妻咸豐八年練寺寨失守賊欲辱之罵不從且以
甌石擊賊賊殺之賊退家人尋見氏尸尙抱幼子子方爲持
面上血跡未知母之死也見者痛之

敬姓女許字王延仁幼養于王及長還母家未及婚而延仁卒
女聞訃卽往父母止之不從至則遂服其喪哀痛幾絕越數
日仰藥自盡

李姓女許字郝需年十五以姑病適郝姑歿翁令仍還母家女
曰吾去誰與事翁未幾夫歿女自盡

孫萬科女許字馮啟雲未笄時養於姑家同村無賴窺其姑外

出調之堅拒不從哭訴於姑自縊死知縣楊恩銘雪其冤旌以節烈可風兼題碑於墓

宋氏儒童王耀南妻年二十四歲夫亡慟不欲生家人防之偶疎吞藥而死

朱氏孫世發妻同治元年捻匪突至氏抱幼子趨城至賈魯河賊追將及氏慮不免投河死賊去家人得尸面如生

閻氏廩生李明敬妻明敬卒仰藥自盡公舉請旌

魏氏姜文登妻文登歿氏卽欲身殉以侍養無人不果後三年姑歿葬畢仰藥自盡

王氏及媳陳氏王氏庠生潘志忠妻夫故遺子公權尙幼氏撫育成立讀書入庠未幾公權病故陳氏痛不欲生人勸以媾姑無依乃不果死歷歲餘姑亦歿氏經理喪葬畢投井自盡公舉請旌

董金貴女同村惡少伺其父母外出強逼之氏堅拒不從羞忿自縊死

劉氏趙玉峯妻皖匪至氏奔城路遇賊欲污之不從被賊剖腹而死

楊氏宋鍾蘭妻夫故氏卽欲身殉家人以方孕勸解乃不果產

孤後不食而死

張氏李伯成妻爲賊所掠罵之賊斷其左手投井死

方氏馬廣武妻夫故氏痛不欲生夫兄與幼子以慰之始勉治

喪未幾子以瘋疾殤氏抱亡子痛哭於夫靈牌前觸柱而死

王氏典籍郭瑞興妻毫匪入境適瑞興他出遇賊欲擄之去逼

令上馬不從罵之度不免同其姑李氏及一子二女投井死

張學本女咸豐八年十月賊突至強逼不從墜甕死

趙氏張大田妻舉人趙濬胞姑也賦性嚴正咸豐八年以罵賊

死

高喜女與其妹避賊未及賊欲辱之女令其妹先逃自與賊拒
被殺

高氏王毛妻適王數月夫歿越數日吞毒死

鄭氏路鳳德妻夫故不食而死

周氏郝誠友妻咸豐八年賊至欲逼之氏痛罵不已賊怒斷手
足而死

聶玉嶺女強姐幼字劉某年及笄劉某私他姓女成夫婦因退
聶氏婚女知之曰女子從一而終今將何歸吾其死乎乃忿
懣而卒人皆哀之

淑媛附

虞賈人名桂芳盧大亨女三齡喪母仲母養之舅氏偶抱去夜半啼甚問故曰聖人撻我不讀書耳大亨遂授以尙書論語列女傳一日從大亨至明倫堂見文天祥大書魁字徑八尺許顧盼良久恍然曰得之矣呼臺幕之輒出其右學博胡伯涵擊節稱善有孝廉某行避人貴人聞之曰斯其鄉黨恂恂如耶年十三大亨齋其帝德廣運仁者壽七大字詣京師請獻不果會嘉靖癸亥采民間淑女應詔入宮以大篆見寵佩印綬掌書翰注奇敏書無不讀尤究心國典每承顧問多所

手澤集卷之十一
四六
獻納作方文字東麻爲筆漬墨引行足挽成鈞勒年四十五卒大亨歲給祿米帑金文綺賜官帶者十二人復其家

路淑人監生路洪範妻鄆陵楊姓女也聰穎絕倫喜吟詠工書畫嘗學趙夫人繡死國圖式尤稱鍼絕惜其詩畫皆散佚不傳存者惟所臨聖教序及小品花卉數紙人爭寶之